

Inatsisissatut siunnersummut nassuaatit

Nassuaatit nalinginnaasut

1. Aallaqqasiut

1.1. Siunnersummut pingarnertigut tunuliaqutaasut "Kalaallit Nunaanni Ilanniartitaanermut ingerlataqarfik; Ilanniartitaanermut inuussutissarsiuinillu siunnersuisarneq pillugu maannakkut suliniutinik nalilersuinermik misissuineq" (siunnersuisarnermik suliniutinik nalilersuineq pillugu nalunaarusiaq) august 2019-imeersumik nalilersuinermut ataqtigiissillugu isigineqassapput.

Siunnersuutip suliarineqarnera nalunaarusiamit innersuussutit qanoq annertutigisumik ilanniartitaanermut inuussutissarsiuinillu siunnersuisarneq pillugu Inatsisartut inatsisaannut atuuttumut ilanngunneqassanersut imaluunniit allatut naammassineqassaneranik naliliinermik aallaaveqarpoq.

Nalilersuinermik nalunaarusiaq pineqartoq siunnersuineq pillugu inatsisip atuuttup 2013-imi akuerineqarnerata kingorna Kalaallit Nunaanni siunnersuisarnermik suliniutit ineriarornerinut tunngasuuvvoq.

Nalilersuinermik takuneqarsinnaavoq ilanniartitaanermut inuussutissarsiuinillu siunnersuisarneq pillugu Inatsisartut inatsisaat nr. 4, 29. november 2013-imeersoq, kingornatigut Inatsisartut inatsisaannit nr. 12, 27. november 2018-imeersumit allanngortinneqartoq, sukumiisumik inatsimmik piareersarneq tunngavigalugu suliarineqarsimasoq, misissuinerit nalilersuinerillu arlalissuit akuutinnejarsimallutik. Aammattaaq allanneqarpoq inatsisilerinikkut oqaasertai patajaatsumik uppernarsaatnik tunngaviit aaqqissugaasumik pissusissamisoortumillu ataqtigiissumik allanneqarsimasut, taaguutit paasissutissiissutit, unamminartut, siunnerfigineqartut, ingerlataqartut, siunnersuisartut piginnaasaasa qaffassisusii, akuliunnerit akisussaaffiillu nassuarneqarlutik.

Peqatigisaanilli nalilersuinermik takuneqarsinnaalluni Inatsisartut inatsisaat 2013-imeersoq inatsisaagaluartoq eqqarsaatigilluagaasoq iluaqtaasorlu tamakkiisumik periarfissaqartitsinera tamakkiisumik atorneqarsimanngilaq, tassa apeqquterpassuit sukumiisumik nassuarneqarsimanngimmata. Nalilersuinermik nalunaarusiaq tassunga atatillugu naleqqussaasoqarnissaanik pisariaqartitsineq pillugu arlalinnik inerniliinernik innersuussutinillu imaqrpoq, isumaliutiginissaanik pisariaqartitsilersoq, ilaatigut siunnersuut tunngavigalugu sammivilerneqartut.

Nalilersuinermik nalunaarusiap aaqqissugaanikkut annertunerusumik allannguisoqarnissaa innersuussutigingilaa, nalilersuinermilli takuneqarsinnaalluni apeqqutit aalajangersimasut

sammivilerneqarsimanngitsut pisunili ikittuinnarni inatsimmi aalajangersakkat suli allanik iliuuseqarnissamut periarfissiisimallutik, taamaattorli suli isumannaarneqarsimanatik, aamma inatsisip siunertaata piviusunngortinnejarnissaanut suliarineqartariaqartut. Nalilersuinermi tamanna nangillugu allanneqarpoq tamanna pisinnaasoq Inatsisartut inatsisaata nutarterneqarneratigut aamma sakkut allat aqqutigalugit soorlu nalunaarutit, ilitsersuutit, angusassatigut isumaqatigiissutit, tatiginartumik suleriaatsinik allaaserinninnerit il.il.

Nalilersuinermik nalunaarusiami aamma uparuarneqarpoq Nuna Tamakkerlugu Ilitsersuisarfiup suliassai killiffialu inatsisiornikkut naammattumik erseqqissarneqarsimanngitsut, tassunga ilanngullugu qitiusumik allaffissuarmut naleqqiullugu, aamma inuusuttut sullinneqartut ornigulluni ilitsersuinissamut najoqqutassat sukumiisut allanneqartariaqartut.

Nalilersuinermik nalunaarusiami aamma allanneqarpoq ilinniarfiit pillugit nalunaarutit atuuttut naammassinninnissamut ikaarsaariarnermilu ilitsersuisarnermut naleqqiullugu sukumiisunik najoqqutassanik aalajangersaarnissaq siunertaralugu misissorneqartariaqartut.

Aammattaaq allanneqarpoq ilinniarfinni aamma Majoriani ilitsersuisarnermi suliad suliassanit allanit tatisimaneqarneq pissutigalugu naammanngitsumik salliuinneqarsinnaannginneri aarlerinarsinnaasoq, tassa ilitsersuinissamut suliassat immikkut sammineqanngimmata.

Tamatuma saniatigut oqaatigineqassaaq Qarasaasiatigut Nalunaarsuisarfimmut naleqqiullugu sulinerup naammassineqarnissaa aamma siunnersuisut aamma siunnersuinermik atuisut paasissutissanik atortussanillu tulluartunik nassaarniarlugit ujartuinnginnissaasa qulakkeerneqarnissaa siunertaralugu internet-imi "ataatsimik iserfissaqartoq" siunnersuisarnermi nittartakkamik pilersitsisoqarnissaa pisariaqartinneqartoq.

Taakku saniatigut allanneqarpoq ilitsersuisarnernik allanik assigiinngitsunik isumaginnittut ingerlatsiviit akornanni qaleriiffiusut paasisaqafigineqarnissaat maqaasineqartoq.

Kiisalu takuneqarsinnaalluni ilitsersuinerit pitsaassusaannut aamma pitsaassutsit periusissionissaannut kajumissaarinissamut tunngaviit aamma nuna tamakkerlugu ilitsersuinermi periusissiamik suliaqartoqartariaqartoq.

1.2. Inatsisissamik piareersaasiornermi sammineqartut pingarnerit
Inatsimmik piareersaalluni sulineq nalilersuinermi nalunaarusiami inerniliussanit innersuussutinillu maannakkut pingartinneqartut naleqqussaasoqarnissaanik pisariaqartitsinermik nalilersuineq tunuliaqtaralugu aallartinneqarpoq. Naleqqussaanissap pisariaqartinnera pillugu apeqqutip saniatigut tassunga ilaapput aamma naleqqussaanissamut pisariaqartitsinerit ataasiakkaat inatsisitigut, allaffissornikkut suliniuteqarnikkut akuerineqassanersut imaluunniit naleqqussaanissamut pisariaqartitsinerit uparuarneqartut

ilitsersuisarnermik ingerlatat tulluarnerusumik aaqqissuunnerisigut aaqqinnejqassanersut isummerfigineqarnissaat.

Naleqqussaasoqarnissaanik pisariaqartitsinermik nalilersuineq taamaalilluni ilitsersuisarnermik suliniutinik nalilersuineq pillugu nalunaarusiami allanneqarsimasut ataani allassimasut immikkut innersuussutit qulit aallaavigalugit isumagineqassapput taakkulu siunertaralugit maannakkut aalajangersakkat pitsaanerulersinnissaat, taamaalilluni Inatsisartut inatsisaanni 2013-imeersumi siunniunneqartut piviusunngortinneqarsinnaallutik.

1.2.1. Siunnersuisarneq pillugu inatsisartut inatsisaani apeqqutit suli isumannaarneqanngitsut malitseqartinneri

Nalunaarusiami allanneqarpoq Inatsisartut inatsisaat 2013-imeersoq inatsisaagaluartoq eqqarsaatigilluarneqarsimasoq iluaqtaalluaraluartorlu tamakkiisumik periarfissat tamakkiisumik atorneqarsimanngillat, tassa apeqquterpassuit sukumiisumik nassuiarneqarsimanngimmata. Nalunaarusiami aamma allanneqarpoq taakku ilaannut peqqutaasoq puiguinerit, ikituqaqqanili suli allatigut iliuuseqarnissamut inatsimmi aalajangersakkat periarfissiillutik, sulili isumannaarneqarsimanatik aamma inatsimmi siunniussat piviusunngortinneqassappata suliarineqartariaqartut. Taamatut iliuuseqarneq inatsisiviata nutarterneqarneratigut ingerlanneqartariaqassaaq, kisianni aamma sakkut allat soorlu nalunaarutit, ilitsersuutit, angusaqarnissamik isumaqatigiissutit, tatiginartumik suleriaatsinik allaaserinninnerit aqqutigalugit ingerlanneqarsinnaalluni. Tamanna innersuussutaavoq nalinginnaasoq innersuussutinik ataasiakkaanik ataani allassimasut ilaanni tunngaveqartoq.

Taamatut innersuussuteqarnermut naleqqiullugu eqqaaneqassaaq inatsisip allanngortinnissaanut manna siunnersuut innersuussutip malinnejqarneratut isigineqartariaqarmat. Aammattaaq siunniunneqarluni malittarisassat atuuttut suliassaqarfimmi nalunaarummik taperneqassasut.

1.2.2. Nuna tamakkerlugu ilitsersuisarfiup suliaanik killiffianillu erseqqissaaneq

Nuna tamakkerlugu ilitsersuisarfiup suliaanik killiffianillu erseqqissaanerup qulakteerneqarnissaa pillugu innersuussut eqqarsaatigalugu nalunaarusiami aamma allanneqarpoq ilitsersuisarfiup pisortatigoortumik pisussaaffeqannginnera paasinarnanilu ilitsersuisarfik naalakkersuisoqarfimmut ilaandersoq imaluunniit ilaatigut nammineersinnaalluni pisortat suliffeqarfiutigineraat attaviitsoq. Tamatuma nanginnerani allanneqarpoq naalakkersuisoqarfimmiit kiisalu soqutigisaqaqatigiinniit sinniisoqartumik siulersuisoqarluni ilitsersuisarfik attaviitsutut suliffeqarfiussanersoq eqqarsaatigineqarsinnaasoq.

Tassungali tunngatillugu oqaatigineqassalluni siunnersuisarneq pillugu Inatsisartut inatsisaanni atuuttumi ilitsersuisarfiup pisortat suliffeqarfiusinnaanerattut erseqqissumik allassimammat §§ 3-5-imi aamma § 8-mi eqqaaneqartunik suliassanik taakkuluunniit ilaannik Naalakkersuisut kivitsisinnaallutik. Aallarniinerni allanneqartutut ilitsersuisarfimmik pilersitsisoqarnissaanik pisussaaffiliisoqanngilaq, aamma ilitsersuisarfik pisussaaffinnik sunik isumaginnissanersoq Naalakkersuisut peqquneqarnissaannut Inatsisartut inatsisaanni aalajangersarneqarnani. Ilitsersuisarfiup inatsisilerinikkut killiffianik naleqqussaaqqinnermi naatsorsuutigineqarpoq qulaajaalluni sulisoqassasoq, oqartussat soqutigisaqaqatigiillu allat peqataatinneqarlutik, tassunga ilanngullugu pisortat suliffeqarfifiik oqartussanillu allanik suleqatigiinnermut naleqqiullugu. Peqatigisaanik ilanngunneqarsinnaavoq ingerlatsivimmi suliat arlallit ilitsersuisarfiup suliaanut tunngassuteqarsinnaasut katersorneqarnissaat pillugu maannakkut isumaliuteqartoqarmat. Taamaattumik ilitsersuisarfiup inatsisitigut killiffiata maannakkut allanngortinnissaa tulluartutut isigineqarnani.

1.2.3. Inuuusuttunik siunnerfigineqartut ornigulluni illitsersuisarnermut tatiginartumik najoqqutassanut missingiutit

Nalilersuinermi nalunaarusiami allanneqarpoq ornigulluni ilitsersuisarneq pillugu siunnersuisarnermi inatsimmi aalajangersakkat sukumiisumik allaaserineqarsimanngisaannarsimammata, taamaattumillu qanoq qanorlu akulikitsigisumik taamaaliortarnissaq pillugu Majoriaq kommunillu ataasiakkaat nammineq aalajangiissallutik. Ammattaaq innersuussutigineqarpoq malittarisassat najoqqutallu nunamut tamarmut aalajangersarneqassasut pitsaassuseq aamma ilitsersuinermi amigaatit pinngitsoortinnissaat qulakteerniarlugu. Innersuussut siunnersummi piviusunngortinnejnqanngilaq, tassa innersuussutip akuerineqarnissaanut Inatsisartut inatsisaanni § 18, imm. 2-mi tunngavilerneqareersimammata. Pileraarut taamaattumik tassaavoq ornigulluni ilitsersuisarneq pillugu malittarisassanik erseqqinnerusunik nalunaarummi aalajangersaasoqassammat.

1.2.4. Najoqqutassanik sukumiinerusunik aalajangersaanissaq siunertaralugu ilinniarfiit pillugit maannakkut nalunaarutit misissorneqarneri

Nalilersuinermik nalunaarusiami allanneqarpoq ilinniarfiit ikaarsaariarnermi aalajangiussimanissaallu pillugit ilitsersuinermut akisussaaffilerneqaraluartut tamatuma qanoq pinissaanik sukumiisumik allaaserinnitoqarsimannngilaq, "malittarisassat atuuttut naapertornissai" eqqaassanngikkaanni. Ilanngunneqarpoq malittarisassat taamatut ittut nassaarineqarsinnaanngimmata, tassa assersuutigalugu ilinniarneruntunngorniarfiit aamma inuussutissarsiutinut ilinniartitaanerit pillugit nalunaarutit inatsimmut assortuummata taamaallaallu siunnersuisarneq pillugu ingasattumik inerisarneqarsimannngitsunik aalajangersakkanik imaqrarlutik. Ammattaaq allanneqarpoq ilinniarfiit, Majoriartulli ilitsersuisartunik ilinniagaqarsimasunik atuinissamut taamaallaat pisussaaffilerneqarsimannngimmata imaluunniit siunnersuisarnerit ingerlatami suuneri annertussusaalu pillugit ilisimatitsisussaanngimmata. Taakku

imminiiginnartinneqannginnissaat pingaaruteqartumilli ilinniartitaanikkut ingerlataqarlutik pimoorussinissaat qulakkeerniarlugu ilinniartunut uniinnartunut ilinniarfiit aamma ilitsersuisarnerit annertusinissaannut kajumissaatinik pilersitsisoqarnissaa isumaliutigineqartariaqarpoq.

Nalilersuinermik nalunaarusiami eqqaaneqartoq ajornartorsiuq ilinniarfiit inatsisartut inatsisaat malillugu pisussaaffigisaannut Inatsisartut inatsisaanni sinaakkutissanik aalajangersaasoqarneratigut siunnersuummi sammivilerneqarpoq. Tamanna tamatuma kingorna ilinniartitaanermut inatsisini pineqartuni tunngavilerneqartumi ilinniartitaanernut ataasiakkaanut tamanut nalunaarusiornikkut malittarisassanik aalajangersakkanik ilaneqassaaq.

Aammattaaq Inatsisartut inatsisaanni § 12. imm. 2-mi piumasaqaat annertusineqarpoq atuarfinni ilinniarfinnilu ilitsersuisartunut naleqqiullugu kommunini ilitsersuisartunut atuuttut malittarisassat taamaaqataatut atuutilersillugu. Tassunga atatillugu siunnersuisarnermik inatsimmi atuuttumi § 12, imm. 2, oqaaseqatigiinnit siullernit takuneqarsinnaavoq Naalakkersuisunit akuerisaasumik ilinniartitsinermik inuussutissarsiutinullu ilitsersuisarnermik ilinniagaqarsimasunit imaluunniit tassunga assingusumik siunnersuisinnaanermik piginnaasaqarnermik uppermarsaasinnaasunit inunnit naammassinninnissamut ikaarsaariarnermilu ilitsersuineq ingerlanneqassasoq.

Tamatuma nanginneratut tulluartutut aamma siunnersuutigineqarpoq atuarfiit aamma ilinniarfiit Majoriatulli nalunaaruteqartarnissamut pisussaaffilerneqassasut, tak. Inatsisartut inatsisaanni § 13, imm. 1.

1.2.5. Suliassanit allaniit tatisimaneqalinnginnissaq qulakkeerniarlugu ilinniarfinni Majoriamilu ilitsersuinermi suliassat aalajangersimasumut sammitinneqarneri

Nalilersuinermik nalunaarusiami allanneqarpoq annertussusaanut assortuuttumik tamat ilanngullugit nalinginnaasullu taaguutit atorlugit ilitsersuinerup taamaallaat nassuiarneratigut ilitsersuisarnermi suliassat suliarineqarneri soqtaanngitsutut siunnersuisussanit eqartorneqalersinnaasut, taakku allarpasuarnik suliassaqareermata – tamanna ilinniarfinni Majorianilu atuulluni. Kingullertut taaneqartumi pisumi taakku aningaasalersorneri annertuitigut angusaqarnissaq pillugu Naalakkersuisunik isumaqatigiissuteqarnissaq apeqqutaalersartoq, ilitsersuineq immikkut salliutinneqarnani; taamaattoqarneratigut apeqqutit isumaqatigiissummi piumasaqaatit suliaruminarnerusut ilitsersuussisarfinnit soorunami sammineqarnissaat pingarnerutinneqarlutik. Taamaattumik ilitsersuisarnermi suliassat isumaqatigiissutini taakkunani annertunerusumik alaatsinaanneqartarlutik. Ilinniarfeqarfinni ilitsersuisut nalinginnaasumik aamma atuartisinissamut pisussaaffilerneqartarpot, ilitsersuinissamullu immikkoortinnejartoq suliaqarnissamut piffissap annertussusaa, amerlanertigut taakku sulinissamut isumaqatigiissutaanni erseqqissarneqarsimasartoq, ingerlatassat erseqqissumik nassuiarneqarsimatinagait killileruminaattarput. Piffissamut

ilivitsumut isumaqatigiissuteqarluni ilitsersuisartunik atorfinitisitsinikkut tamanna aaqqinneqarsinnaavoq, kisiannili pingaartumik ilinniarfinni mikinerusuni eqaassuseq annikillisinneqarsinnaalluni.

Ajornartorsiummit eqqaaneqartumit soorlu aamma takuneqarsinnaasoq apeqquut malittarisassanik aqtsinermut atassuteqanngitsumik aaqqiissuteqarnissamut siunnersuuteqarnikkut inissinneqartariaqarpoq. Taamaattumik naliliisoqarsimalluni innersuussut taanna siunnersuut tunngavigalugu piviusunngortinnejassanngitsoq.

1.2.6. Qarasaasiatigut Nalunaarsuiffimmi suliaqarnerup naammassineqarnera
Nalilersuinermik nalunaarusiami innersuussutigineqarpoq Qarasaasiatigut
Nalunaarsuisarfimmik sulineq naammassineqassasoq. Tassunga atatillugu allanneqarpoq
Qarasaasiatigut Nalunaarsuisarfik tassaasoq ineriartornermi killifimmi
nutaaliaalluinnartuusoq, sulili naleqqussarneqartussaq ilaatigullu atuisunut
nalequnnerulersillugulu paasuminarnerulersillugulu pisariillisarneqassasoq. Ilangutissaq
ilitsersuisartunut ataasiakkaanut allaffissornikkut sakkuunerup aamma sullisisuunerup
aamma ilitsersuisarnermi sulinutip ineriartortinneranut ataatsimut isigalugu paasissutissatut
katersuinermi sakkuunerup akornanni eqqortumik oqimaaqatigiissitsinissaq pisariaqarmat.
Pingaartumik kingullertut taaneqartoq sulineq piffissami tessani suliareqarsinnaanngilaq,
tassa atuisunit assigiinngitsuniit qarasaasiamut allattueriaatsit malinninngitsut pissutigalugit
paasissutissat tatiginarunnaarsimmatigit. Kiisalu allanneqarluni ilitsersuisarnerit
annertussusaannik kinguneqarnerinillu naliliineq najoqqtassat sulinerullu ineriartortinnerini
pisariaqartinneqarmata.

Innersuussummi inatsimmik naleqqussaanissamut tulluanngitsut pissutsit pineqanngillat.
Taamaattumik innersuussut siunnersuummut naleqqiullugu sulinuteqarnissamut
pissutissaqartitsinngilaq. Innersuussut taarsiullugu Qarasaasiatigut Nalunaarsuiffiup suli
ineriartortinneranut atatillugu sammivilerneqassaaq.

1.2.7. Internetimi "ataatsimik iserfissaqartoq" ilitsersuisarnermi nittartakkamik pilersitsinissaq
Nalilersuinermik nalunaarusiami innersuussutigineqarpoq internetimi "ataatsimik
iserfissaqartoq" ilitsersuisarnermi nittartakkamik pilersitsisoqassasoq. Ilaatigut
ilitsersuisarnermut attuumassuteqartunik suliaqartunut innuttaasunullu paasissutissanik
neqerooruteqartunik maannakkut nittartakkat arlaliupput. Taakkuli arlaannaalluunniit
suliassap naammassinninnissamut imarisaatigut annertussusaatigullu pisinnaanatik.
Ilitsersuisartut aamma ilitsersuinermik atuisut taamaattumik paasissutissanik atortussanillu
atorfissaqartitaminnik nassaarniarlutik assigiinngitsuni ujartuisarput, tamannalu
paatsiveerunermik pisariaqanngitsumillu piffissamik atuinermi pilersitsilluni. Tamatuma
saniatigut atorneqarsinnaaneri nittartakkat ilaanni ajornartorsiutaallutik, paasissutissallu
amigaatigineqarlutik imaluunniit nutarterneqarsimanatik. Ilitsersuisarnerup ingerlataqartunut
soqutigisaqaqatigiinnullu arlalissuarnut agguarsimanerannik pissuseq tamanna
peqquteqarpoq, isumalluutit katersuuffiginagit tamarmik immikkut nammineq suliaminnik

saqqummiiniarsarisut, suliassarlu taanna ingerlataqartumit ataatsimit suliarineqarsinnaanersoq isumaliutigineqassaaq, assersuutigalugu Nuna Tamakkerlugu Ilitsersuisarfik. Nittartagaq ingerlalluartoq paasissutissat nutartereqarsimallutik pingaartumik nunaqarfinni avinngarussimasuni atuisunut ilitsersuisartunut naapitaqarsinnaanngitsunut pingaartumik pingaaruteqarpoq. Internetikkut atassutit maannakkut matussusiinerit pissarsiarineqarsinnaanerilu eqqarsaatigalugit killiliigaluartut, pingaartumik nunaqarfinnut avinngarussimanerusunut, tamanna siunissami pitsaanerulissanersoq qularutigineqarsinnaanngilaq, tamannalu internetikkut ilitsersuinissamut periarfissanik nutaanik ammaassissalluni. Atoruminartuunera eqqarsaatigalugu nittartakkanik marlunnik pilersitsisoqarsinnaanera isumaliutigineqarsinnaavoq - ataaseq ilitsersuisarnermik kiffartuussinernut atuisunut alla siunnersortinut.

Tassunga atatillugu siunnersuutip oqaasertalorsorneri tunngavigineqarsimavoq malittarisassanik aqutsinermut atassuteqanngitsoq innersuussut pineqanngimmat, taamaattumik malittarisassaliornermut tunngatillugu suliniuteqarnissamut pissutissaqartitsinani. Tassunga atatillugu maligassiatigut siunnersuisarnermi nittartakkap qanoq aaqqissuunneqarnissaa Naalakkersuisunit aalajangiiffiqeqarsinnaavoq.

1.2.8. Ilitsersuisarfiit akornanni imminnut attuumassuteqartut qulaajaaffigineri Nalilersuinermik nalunaarusiami innersuussutigineqarpoq ilitsersuisarnermi immikkoortut akornanni suliassatigut suliaqarnikkullu killiliinerit erseqqissarneqassasut. Tassunga atatillugu allanneqarpoq akisussaaffiit inatsimmi nassuiardeqaraluartut kina sulerissanersoq ilaannikkut paasinarmeq ajorpoq, tamannalu paatsoornernik kinguneqarsinnaasarluni, isumalluutinit matussuserneqannginnerinik imaluunniit maangaannartitsinermik kinguneqartartut. Assersuutigalugu ikaarsaariarnermi aalajangiussimanermilu siunnersuisarnermut innersuussisoqarpoq, akisussaaffik ilinniarfeqarfinniilluni, kisiannili Majoriaq ikuunnissamut pisussaaffeqlarluni. Ilanngunneqarpoq tamanna pingarnerusunik sinaakkusiornikkut (akisussaaffik, isumalluutit) najoqqutassat nalinginnaasut tunngavigalugit qulakkeerneqarsinnaassasoq, kingornalu kommunimi isumaqatiginninniutigineqarsinnaasut, sumiiffinni ilitsersuisartut taamatut isumaqatigiissuteqarnissamut toqqavinnik tulluartunik pilersitsillutik. Peqatigisaanik allanneqarpoq ilinniarfinni qinnuteqartarnermi maannakkut aaqqissuussineq allangortinneqartariaqartoq taamaalilluni Majoriat qinnuteqartunut ilitsersuinermik neqerooruteqarsinnaallutik, qinnuteqaatinilli suliarinninnermut akisussaaffik ilinniarfinnit ingerlanneqartariaqarluni.

Tassunga atatillugu nalilerneqarpoq innersuussut siunnersuisarneq pillugu inatsimmi § 19, imm. 5-imi piginnaatitsissutip atorneqarnissaa tunngavigalugu allaffissornikkut akuerineqartariaqartoq. Tamatuma kingorna nalunaarutikkut ilinniarfiit aamma kommunimi oqartussat akornanni suleqatigiinneq erseqqissarneqassaaq, tassunga pingaartumik ilanngullugu ikaarsaariarnermi siunnersuisarnermut tunngatillugu.

1.2.9. Ilitsersuinerup pitsaassusaanut tunngasuni oqaasertalernerit pitsaassutsimullu periusissiat kajumissaarutiginera

Nalilersuinermik nalunaarusiami innersuussutigineqarpoq pitsaasumik ilitsersuinerup qanoq ittuunera, tamatumalu qanoq anguneqarsinnaanera pillugu ingerlataqartut soqutigisaqaqtigilli akornanni ataatsimut ilisimasaqarnerup qulakkeerneqarnissaa siunertalarugu ilitsersuisarneq pillugu pitsaassutsinut tunngavinnik suliaqartoqassasoq. Suliassaq taanna annertuutigut Inatsisartut inatsisaanni atuuttumi allanilu naapertorneqareerpoq, assersuutigalugu ilitsersuisartut tunngaviusumik ilinniartitaanerini atuarnissamut pilersaarummi, kisiannili innersuussutigineqarluni anguniakkat taakku tunngavissaliornikkut ingerlateqqinneqartariaqartut takussaasunngortinnejarlutilu, naatsumik pitsaasumillu siunnersuilluarnermik paassisutissiilluartut. Aammattaaq allanneqarpoq ilitsersuisarnermik kiffartuussinerit pitsaassutsinik qulakkeerininnissamut periusissiani taakkunani pinngitsoorani qaffasissuseqartillugit suliarineqartut naapertuutissasut.

Malittarisassanik aqtsinermut tunngasoq innersuussut pineqanngimmat innersuussut siunnersummi sammivilerneqanngilaq. Allatigut oqaatigineqassaaq Inatsisartut inatsisaanni atuuttumi kapitali 3-mi ilitsersuisarnermut sinaakkusiussat pillugit aalajangersakkani aalajangersaasoqareermat. Tamatuma saniatigut tamanna pillugu ilitsersuusiornikkut suli allanik erseqqissaasoqarsinnaavoq.

1.2.10. Ilitsersuisarnermut nuna tamakkerlugu periusissiorneq
Kiisalu nalilersuinermik nalunaarusiaq ilitsersuisarneq pillugu nuna tamakkerlugu periusissiorissaq pillugu innersuussuteqarluni. Tassunga atatillugu allanneqarpoq ineriartortsinissamik pisariaqartinneqartunik ilitsersuinermut naleqqiullugu apeqquterpassuaqartoq, isumalluutilli killeqarlutik. Tamatuma nanginnera allanneqarpoq nuna tamakkerlugu ilitsersuisarneq pillugu periusissiaq aalajangersimasumik akuttussuseqartumik suliarineqartariaqartoq - assersuutigalugu ukioq allortarlugu. Tassunga atatillugu eqqaaneqarpoq periusissiaq suliat kivinneqartussat suunerinik upternarsaasoq pingaarnersiuisorlu, aamma taassuma naammassineqarnissaanut piffissamik aalajangersaasoq. Peqatigisaanik nalilersuinermik nalunaarusiami ilanngunneqarpoq nuna tamakkerlugu periusissiamut siunnersuut Ilitsersuisarnermik Siunnersuisoqatigiinni soqutigissaqaqtigiiinnit suliarineqartariaqartoq aamma Kalaallit Nunaanni naalakkersuisunit (allannguuteqarsinnaasumik ilanngussiffiusinnaasumillu) akuerineqartariaqartorlu.

Innersuussut siunnersummi aalajangersakkami ikkussisoqarneratigut inissinneqarpoq, kingornalu nuna tamakkerlugu ilitsersuisarnermut periusissiorissaamut Naalakkersuisut pisussaaffeqalerlutik.

2. Siunnersummi immikkoortut pingaarcerit

a) Inatsisit atuuttut

Inatsit atuuttoq tassaavoq ilinniartitaanermut inuussutissarsiuinillu siunnersuisarneq pillugu
Inatsisartut inatsisaat nr. 4, 29. november 2013-imeersoq, kingornatigut Inatsisartut
inatsisaannit nr. 12, 27. november 2018-imeersumit allanngortinneqartoq,

2018-mi inatsimmik allannguinermi suliassap taassuma siunnersuisarnermik inatsimmi § 18, imm. 1-imi siunnersuisarnermik suliassanut ilanngunneqarneratigut aamma siunnersuisarnermik inatsimmi § 3-mi tamatuma ilanngunneqarneratigut ilinniagaqartunik tarnikkut isumaginninnikkullu ilitsersuisarnermik pilersitsisoqarpoq, tassani suliassap taassuma isumaginissa Naalakkersuisunit pisussaaffiulerluni.

Kalaallit Nunaanni Ilitsersuisarneq pillugu siunnersuisoqatigiit suliassaat suleriaasiallu pillugu Namminersorlutik Oqartussat nalunaarutaat nr. 3 9. marts 2015-imeersup saniatigut siunnersuisarnermik inatsimmik tunngaveqartumik allaffissornikkut malittarisassat atulersinneqarsimanngillat.

Naalakkersuisut pingaarnertut akisussaaffianut naleqqiullugu siunnersuisarnermik inatsimmi § 6-imit takuneqarsinnaavoq suliassanik taakkuninnga imaluunniit taakku ilaannik isumaginnittussamik nuna tamakkerlugu ilitsersuisarfimmik Naalakkersuisut pilersitsisinnaasut, siunnersuisarnermik inatsit naapertorlugu Naalakkersuisunit naammassineqartussat.

Tassani pineqarpoq "taamaaliorsinnaanermik aalajangersagaq", taamaattumik taamatut siunnersuisarfimmik pilersitsinissamut Naalakkersuisut pisussaanatik. Siunnersuisarnermik inatsimmut nassuaatinit nalinginnaasunit aamma takuneqarsinnaavoq taamaattoqartillugu ilitsersuisarfik qitiusumik allaffissuup ataaniissasoq.

Siunnersuisarnermik inatsimmi § 3-mit takuneqarsinnaavoq Naalakkersuisut ilitsersuinermi suliassarigaat ilitsersuisarneq nalilersortassallugu ineriertortissallugulu, ataqtigiiqassassallugu, ilitsersuisarneq pillugu paasissutissiisassallutik, tassunga ilanngullugu internetikkut siunnersuinermi nittartakkamik pilersitsineq ingerlatsinerlu. Taakku saniatigut ilitsersuisarnermi atortut suliarissallugit siaruartissallugillu, ilitsersuisartut ilinniartittassallugit ilinniarteqqittassallugillu, sumiiffinni ilitsersuisarfinnut tunngatillugu ilitsersuisarneq, misilittakkanik ilisimasanillu paarlaasseqatigiittarneq, aammalu attaveqarfigeqatigiittarnermik pilersitsineq tapersersortassallugu Naalakkersuisut suliaqartussaapput, tassunga ilanngullugu nuna tamakkerlugu oqallifimmik pilersitsinissaq. Taakku saniatigut tarnikkut isumaginninnikkullu ilitsersuisarnermik Naalakkersuisut isumaginnissapput.

Naalakkersuisut suliassaat ullumikkutuut ilitsersuisarfimmit isumagineqarpata siunnersuisarfiup suliassat uku naammassissavai:

- siunnersuisarnernut suliniutinik ineriertortitsisarnerit aammalu nalilersuisarnerit
- ilitsersuisarnermik ataqtigiiqassaarneq

- ilitsersuisarneq pillugu paassisutissiineq, tassunga ilanngullugit ilitsersuisarnermi atortunik suliaqarneq aamma internetikkut ilitsersuisarneq pillugu nittartakkamik ingerlatsineq
- ilitsersuisarnermi atortut suliarissallugit siaruartissallugillu,
- ilitsersuisartut ilinniartinnissaat ilinniarteqqitarnissaallu qulakkeernissaat,
- sumiiffinni ilitsersuisarfinnut tunngatillugu ilitsersuisarneq,
- misilittakkanik ilisimasanillu avitseqatigiittarnissaq
- ilitsersuisarneq pillugu paassisutissiisassallutik, tassunga ilanngullugu nuna tamakkerlugu oqaloqatigiittarfissamik pilersitsineq
- tarnikku isumaginninnikkullu ilitsersuineq isumagalugu, tassunga ilanngullugu ilinniakkamik aallartissimasunut imaluunniit Majoriami pikkorissartunut ilinniartunut tarnikku katsorsaaneq.

Qulaani allassimasut aallaavigalugit inerniliisoqarsinnaavoq Naalakkersuisut assersuutigalugu ilitsersuisarfik aqqutigalugu kommunini siunnersuisarfiup ilitsersuussineranut naleqqiullugu siunnersuisinnaallutik nalinginnaasumik ikorfartuisinnaallutik.

Kommunit ilitsersuussinermi suliassaanut suliffeqarfimmi sinaakkusiussat eqqaaneqarneri eqqarsaatigalugit siunnersuisarnermik inatsimmi § 11, imm. 1-imit takuneqarsinnaavoq ilitsersuisarnerup ataqtigiissinnissa, annertusarnissa sammiveqarnissaalu siunertaralugit kommunimi ilitsersuuffimmik pilersitsinissap ingerlatsinissallu isumaginissaat kommunalbestyrelsit pisussaaffigaat. Aammattaaq aalajangersakkami imm. 2-mit takuneqarsinnaavoq kommunip ilitsersuisarfiata inatsit naapertorlugu ilitsersuisarnermi suliassanik ingerlanersinermini suliffissarsiuussisarfiit pillugit Inatsisartut peqqussutaat malillugu kommunini suliffissarsiuussisarfimmik suleqateqarnissa komunalbestyrelsip qulakkiissagaa, tak.suliffissarsiuussisarneq pillugu inatsisartut peqqussutaat.

Aalajangersagaq kommunimi ilitsersuisarfimmik pilersitsinissamut komunalbestyrelsit pisussaaffeqarnerattut oqaasertalerneqarpoq.

Kommunimi suliassat eqqarsaatigalugit siunnersuisarnermik inatsimmi § 9-mit takuneqarsinnaavoq kommunimi innuttaasunik inatsit malillugu ilitsersuisarneq isumagissallugu komunalbestyrelsip akisussaaffigigaa, ilinniartut ilinniakkaminnik naammassinninnissaat ikaarsaariarnissaallu pillugit ilitsersuineq minillugu, ilinniakkanut pineqartunut malittarisassat atuuttut malillugit ilitsersuineq ingerlanneqartussaasoq.

Tassunga tunngatillugu malugineqassaaq ikaarsaariarnermi ilitsersuinermi pineqarmat ilinniarnermiit allamut imaluunniit ilinniarnermiit suliffeqarnermut ikaarsaariarnermut tunngasoq ilitsersuineq, tak. siunnersuisarnermik inatsimmi § 2, nr. 4. Akerlianilli naammassinninnissamut ilitsersuineq ilinniarnermut aalajangersimasumut atasunik innersuussinernut, ilitsersuinermut il.il. killeqlarluni, tak. § 2, nr. 3. Ilitsersuinerup taamatut itup siunertarilluinnarpaa ilinniarnerup ingerlanneqartup naammassineqarnissaanut pitsaanerpaamik atugassanut ilitsersuussinerup qulakkeerneqarnissa.

Aammattaaq siunnersuisarnermik inatsimmi § 13, imm. 1-imi ilinniartitaanermut suliffeqarnermullu tunngatillugu ilitsersuisarnikkut sulinuitit siunnerfilimmillu sulissutigisassat ingerlanneqarnerinut atugassatut ataasiakkaatut ilitsersuisarnerni paasissutissanik pissarsiarineqartunik communalbestyrelsip ilitsersuisarnermi suliaanik innuttaasullu ilinniartitaanikkut suliffeqarnikkullu tunngasutigut killiffiinik, nuna tamakkerlugu paasissutissanik qitiusumik katersateqalernissaq siunertaralugu communalbestyrelsi Naalakkersuisunut ingerlatitsisassaaq.

Namminersorlutik Oqartussat ilinniarfeqarfiinut naleqqiullugu aalajangersagaq taamaaqataa atuutinngilaq § 13, imm. 2-mi aalajangersagaq eqqaassanngikkaanni, taanna malillugu, imm. 1-imi eqqaaneqartunut siunertanut Naalakkersuisut innersuussillutik ilinniarfiit ilitsersuussinermi suliaqarnerat pillugu paasissutissanik nalunaaruteqaqqullugit ilaatigut ilinniarfiit peqquneqarsinnaallutik. § 13, imm. 2-mili ilinniarfiit kisimik pineqarput, tassunga amma ilanngullugit Namminersorlutik Oqartussat avataanni ilinniarfiit suliffeqarfiit imminut pigisut, kisianni communalbestyelsiunngitsut.

Ikaarsaariarnermi siunnersuisarneq eqqarsaatigalugu § 19, imm. 2, allassimavoq, najukkami ilitsersuisarfiit, tassa ullumikkut Majoriat, ilinniartoqarfinnut naammassinninnissamut ikaarsaariarnermilu ilitsersuisarnernut piareersaanerni ikuuttassasut. Majoriaq akuutinneqaraluartoq ilitsersuinerup naammassineqarnissaata qulakkeerneqarnissaanut ilinniarfiit akisussaapput. Aalajangersakkami pissutsit ersersinniarneqartut tassa, ilinniartoqarfiiit ilinniartoqarfinnut ataasiakkaanut malittarisassat atuutsinneqartut malillugit, ikaarsaariarnermi ilitsersuisarnissaminnut aammattaaq pisussaaffeqartut.

Siunnersuisarnermik inatsimmi § 25-mit amma takuneqarsinnaavoq inatsit naapertorlugu ilitsersuisarnermi suliassat ingerlanneqarnissaa pillugu Naalakkersuisut communalbestyelsinut angusassat pillugit isumaqatigiissusiusapput. Tassunga ilaassapput kommunimi ilitsersuinermi sulinissamut anguniakkat, taakkununnga tunngavigisat allaaserineqarneri ilitsersuinerlu pillugu naammassisassatut anguniakkanik aalajangersimasunik imaqassalluni, soorlu amma Naalakkersuisut kommuninut ataatsimoorussamik tapiissutit ikilisinnerisigut naammassisassatut anguniakkat aalajangersimasut naammassineqannginnerini Naalakkersuisut pineqaatissiisinnaasut.

Kommunalbestyelsit, tassunga ilanngullugu Majoriap suliassai eqikkarlugit imatut allanneqarsinnaapput:

- kommunimi innuttaasunut tamanut inatsit malillugu ilitsersuussineq –
- inuuusuttunut immikkut atugarliortunut ilinniarnissamut iliuuseqarnissamut pilersaarutit qulakkeerneqarneri
- inuuusuttunut siunnerfigineqartunut naleqqiullugu ornigulluni ilitsersuineq
- paasissutissanik naleqquttunik nalunaarsuineq nalunaaruteqartarnerlu
- kommunimi ilitsersuisarfinnik pilersitsineq ingerlatsinerlu, kommunimi

suliffissarsiuussisarfimmik kommunimilu atuarfimmik suleqateqartoq

- meeqqat atuarfiannit iliuuseqarnissamut pilersaarutit atuartup ilinniaqqinneranut malinnaatinneqarnissaasa qulakkeerner
- najukkami ilitsersuinerup illuni tulluartuni ilitsersuisunit piukkunnaateqartunit ingerlanneqarnerata qulakkeerneqarnera

Suliassat siuliani taaneqartut Namminersorlutik Oqartussat pingaarnertut suliassaannut ataqtigiissinneqassapput, tak. siunnersuisarnermik inatsimmi § 3 aamma ilinniarfiit Namminersorlutik Oqartussat ataaniittut, kommunimi ilitsersuisarfiup tunniunneqarnerani naammassinninnissamut ilitsersuinissamut ikaarsaariarnermilu ilitsersuinissamut akisussaammata.

Siunnersuisarnermik inatsimmi § 2, nr. 7-mit takuneqarsinnaavoq ujartuilluni ilitsersuineq tassaasoq kaammattorneqarani innuttaasunut ataasiakkaanut saaffiginnilluni ujartuilluni ingerlatsinikkut ilitsersuisarneq. Peqatigisaanik § 20, imm. 2-mit takuneqarsinnaavoq inuuusuttunut meeqqat atuarfinnit assigisaanniilluunniit atuartitaanermik naammassillutik atuarunnaarsimasunut, ilinniarnermik inuussutissarsiummilluunniit aallartitsisimanngitsunut imaluunniit ilinniagaqarnermik unitsitsisimasunut ujartuilluni ilitsersuinissaq kommunip suliassarigaa. Tamatuma saniatigut ujartuilluni ilitsersuussineq pillugu malittarisassanik allanik aalajangersaasoqarsimanngilaq, assersuutigalugu nalunaarutikkut.

Aammattaaq ilinniarfiit naammassinninnissamut ikaarsaariarnermilu ilitsersuinerannut naleqqiullugu sukumiinerusunik najoqqutassanik nalunaarutikkut aalajangersaasoqarsimanani aammattaaq assersuutigalugu Majoriat imaluunniit ilinniarfiit ilitsersuinissamut suliassaannik tulleriaarinissaq pillugu malittarisassanik aalajangersaasoqarsimanani.

Siunnersuisarnermik inatsit immikkut qarasaasiat suliarinissaat atorneqarnissaallu pillugit malittarisassanik imaqanngilaq, tassunga ilanngullugu assersuutigalugu Qarasaasiatigut Nalunaarsuisarfik, imaluunniit ilitsersuisut aamma ilitsersuinernik atuisut ilisimasanik atortussanillu naammaginartumik aallersinnaanerisa qulakkeerneqarnissaa siunertalarugu internetikkut "iserfissap ataatsip" pilersinneqarnissaa.

Siunnersuisarnermik inatsimmi malittarisassat saniatigut Piareersarfinni qitiusumik ingerlatsiviit suliaminnik ingerlatsinerat il.il. naliliisarneq pillugu Namminersornerullutik Oqartussat nalunaarutaanni nr. 17, 16. oktober 2007-imeersumi § 1-imit takuneqarsinnaavoq kommunimi suliffeqarnermi ilinniarsimassutsikkullu suliniutit nukitorsarsinnaajumallugit ilinniagaqarnissamut suliffeqalernissamullu periarfissat pillugit suliassanik isumaginninnissaq siunertalarugu kommuni Piareersarfimmik pilersitsisinnaasoq. Takuneqarsinnaasutut "taamaaliorssinnaanermik aalajangersagaq" pineqarpoq, taamaattumik assersuutigalugu ilitsersuisarfimmik pilersitsinissamut nalunaarut namminermi kommunalbestyrelsimit pisussaaffiliinani. Nalunaarummi pineqarpoq, soorlu aamma taaguutaanit takuneqarsinnaasoq,

taamanikkut Piareersarfiit (maannakkut Majoriat) sulianik isumaginninnerannik nalilersuineq aamma paasissutissallu nalilersuinermi atorneqartussat pissarsiarinissaat.

Kiisalu suliffisanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaanni nr. 28, 9. december 2015-imeersumi § 1-imi eqqaaneqartoq kommunit tamarmik illoqarfinni tamani kommunimiittuni suliffisanut, ilitsersuisarnernut pikkorissaqqinnernullu qitiusumik ingerlatsivimmik pilersitsissasut. Tamatuma nanginnerani inatsimmi § 2, nr. 4, 5 aamma 6-imit takuneqarsinnaavoq piareersarfiit ilaatigut ilinniartitaanernut qinnuteqartunut siunnersuisassallutik qinnuteqartunillu allaffissornikkut aqtsinermik suliaqassasut, meeqqat atuarfiat suleqatigalugu klassit annerit siunnersorneqartarnerannik ingerlatsisuussasut aamma suliffissaqarnikkut siunnersuinermik suliffissarsiortunut neqerooruteqartassasut il.il. Aammattaaq inatsimmi § 5, imm. 1-imit takuneqarsinnaalluni naammassisassanut isumaqatigiissuteqarneq tunngavigalugu piareersarfiit ingerlatarissagaat. Tassunga tunngatillugu oqaatigineqassaaq suliffisanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaanni siullermik pineqarmata piareersarfiit suliassanik aalajangersimasunik suliakkerneqartut, taakkunani lu ilitsersuineq suliassat arlaannut ilaalluni. Inatsisartut inatsisaat eqqaaneqartoq aamma nakkutilliinissamut pisussaaffiup ilaatut kisitsisitigut paasissutissanik pissarsinissaq pillugu aalajangersakkamik aamma imaqarpoq. Siunnersuisarneq pillugu Inatsisartut inatsisaat akerlianik pineqarpoq nalinginnaasumik ilitsersuussineq, tassunga ilanngullugu Namminersorlutik Oqartussat ilinniarfeqarfiinut aamma Majoriamut meeqqallu atuarfiinut tunngatillugu kommunit ilitsersuussinissamut suliassaannut naleqqiullugu. Aammattaaq suliffisanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat suliffeqarfinnut tunngassuteqartunut apeqqutinut atalluinnarluni, akerlianilli siunnersuisarnermik inatsit annerusumik ilinniarfinni aallaaveqarluni.

b) Siunnersuut

Siunnersuut aallarniummi allanneqartutut siunertaavoq siunnersuisarneq pillugu Inatsisartut inatsisaanni atuuttumi nalilersuilluni nalunaarusiami innersuussutit ilaasa ilanngunneqarnissaat.

Tamanna siullermi siunnersuummi nr. 1-imi ilanngussisoqarneratigut, tamatumalu kingorna nuna tamakkerlugu ilitsersuinermut periusissiornissamut Naalakkersuisut pisussaaffeqarlutik.

Ilinniarfiiit ilitsersuinerannut sukumiinerusunik najoqqutassanik aalajangersaanissaq pillugu inatsisip piareersarnerani immikkoortoq 1.2.4-mi sammineqartut pingaarnerni allanneqartoq tunuliaqtaralugu ilinniarfiiit naammassinninnissamut ikaarsaariarnermilu ilitsersuinissamut ilinniarfiiit pisussaaffeqarnerat pillugu siunnersuisarnermik inatsimmi § 10 immikkoortunik sisamanik ilaneqarpoq. Tamanna pivoq ilinniarfiiit ilitsersuinerisa pitsaassusilernissaat siunertalarlugu, inunnut ilitsersuinermik isumaginnittunut siunertat, qanoq ittuuner aamma ilinniartitaanikkut piginnaasatigullu piumasaqaatit eqqarsaatigalugit. Ilinniartitaanikkut

piginnaasatigullu piumasaqaatit allatigut ullumikkut Majoriaqarfiit ilitsersuussinerannut naapertuupput, tak. siunnersuisarnermik inatsimmi § 12.

Tamatuma nanginnerani siunnersuisarnermik inatsimmi § 13, imm. 1-im i atuuttumi siunnersuutigineqarpoq aamma Namminersorlutik Oqartussat ilinniarfeqarfiutaasa ilaatinneqarnissaannut allanngortinnissaa siunnersuutigineqarpoq. Taamaalilluni siunnersuutigineqarpoq nuna tamakkerlugu paasissutissanut tunngavinnik pilersitsinissaq siunertaralugu ataasiakkaanut ilitsersuinerni suliniutistik pillugit aamma innuttaasut ilinniartitaanikkut suliffeqarnikkullu killiffii pillugit paasissutissat kommunalbestyrelsinit ilinniarfinniillu nalunaarsorneqarlutillu Naalakkersuisunut nalunaarutigisassagaat.

Siunnersuutit aamma § 2-mi atuutilernissaq pillugu aalajangersakkamik imaqarpoq. Piffissaq atuutilerfissaa 1. januar 2022-mut aalajangersarneqarpoq. Tassunga atatillugu piffissami atuutilerfiusumi ilinniarfinni atorfekartunut ilitsersuisartunut naleqqiullugu ikaarsaariarnermi aalajangersagaq ikkunneqarpoq.

3. Pisortanut aningaasaqarnikkut allaffissornikkullu kingunissai

Siunnersuummi aalajangersakkat arlallit annertuitigut ilitsersuinermi suliniummut atortutigut tunngavinnik erseqqissaasupput, tassunga ilanngullugu ullumikkut ingerlanneqareersunik ilitsersuinermut sinaakkusiusanut malittarisassat. Aammattaaq aalajangersagaq pineqarluni aningaasaliissutitut tunngavigineqartutut atuuttut aallaavigalugit aaqqissugaanikkut tulluarsaasoqarneratigut imarisaasa piviusunngortinneqarsinnaasut nalinerneqarlutik.

Tamanna ilaatigut siunnersuummi nr. 1-imut atuuppoq, taanna malillugu nuna tamakkerlugu ilitsersuinermut periusissiornissamut Naalakkersuisut piussaatinneqalerlutik, tamannalu assersuutigalugu Nuna Tamakkerlugu Ilitsersuisarfikkut pisinnaalluni.

Taamaaqataanik oqaatigineqassaaq ilinniarfiit naammassinninnissamut ikaarsaariarnermilu ilitsersuussinerisa pitsangorsarnissaanut tunngatillugu siunnersuummi 2 § 10, imm. 2 aamma 3-mi nr. 2-mi taamaallaat erseqqissarneqarmat naammassinninnissamut ikaarsaariarnermilu ilitsersuineq qanoq ingerlanneqassaneroq, tassunga ilanngullugit pissutsit tassunga atatillugu ilitsersuisut immikkut eqqarsaatigisassaat. Taamaalilluni pineqarluni maannakkut ilitsersuinermi suliat qanoq ingerlanneqarneri pillugit malittarisassaliorneq, taamaattumik aalajangersakkat tassaanatik ilinniarfiit nutaanik suliakkerneqartut.

Akerlianilli siunnersuummi nr. 2-mi § 10, imm. 4-mi naatsorsuutigineqarluni naammassinninnissamut ikaarsaariarnermilu ilitsersuinikkut ilitsersuinermik ilinniarfinni suliaqartunut piukkunnassutsikkut piumasaqaateqarnerup, kingunerisinnaallugu ilinniarfimmut pineqartumut aamma Nuna Tamakkerlugu Ilitsersuisarfimmut aalajangersimasunik aningaasatigut kinguneqassasoq. Taamaattoqassappat nutaanik atorfinitsitsisoqarneranut tamanna atuutissaaq, siunnersuutip atuutilersinnerata kingorna isumagineqartussat.

Siunnersuummi nr. 2-mi § 10, imm. 4-mut naleqqiullugu aningaasaqarnikkut kingunissai ukiuni kingullerni tallimani Namminersorlutik Oqartussat ilinniarfeqarfiini sulisutigut taarseraannerit aallaavigalugit naatsorsorneqarput, tassani ilitsersuisut 35-it atorfinitssinneqarsimallutik. Taakkunannga 25-it Naalakkersuisunit akuerineqartumik ilinniartitaanernut aamma inuussutissarsiutinut ilinniagaqarsimannngillat. Tamanna tunuliaqutaralugu naatsorsuutigineqarpoq ilinniarfinni 15-ini ukiumut ilitsersuisut nutaat tallimat atorfinitssinneqartut taamatut ilitsersuisutut ilinniartitaanermik ingerlataqassasut, taamaaqataanik ilitsersuinissamut suliaqarnissamut piginnaasaqarnertik uppernarsarsinnaanngippassuk. Tassunga ilangutissaq Naalakkersuisut tamanna pillugu qinnuteqartoqareernerata kingorna akuerisinnaavaat, ilitsersuisarnerup inummit ilitsersuisarnermi allaanerusunik piginnaasaqartumit utaqqiisaasumik ingerlanneqarnissaa, ilitsersuisartoq pineqartoq Naalakkersuisunit akuerisaasumik ilinniartitsinermik ilitsersuisarnermillu ilinniarnermik ingerlataqarpat ilinniarnissamilluunniit pilersaaruteqarpat. Inuit tallimat ukiumut siunnersuummi piumasarineqartoq ilitsersuisutut ilinniartitaaneq naammassisappassuk tamatuma kingunerissavaa ilinniarfinnut pineqartunut aningaasartuutit soorlu vikareqarnermut akissarsianut matussutissat aamma taakku pikkorissarnerannut atatillugu ilitsersuisunut nutaatut atorfinitssinneqartunut ullormusiat. Tamatuma nanginnerani oqaatigineqassaaq maannakkut ilitsersuussutitut ilinniartitaaneq ukiumik ataatsimik sivisussuseqarmat sapaatip akunneranillu sivisussuseqartumik sisamanik immikkoortoqarluni ullullu soraarummeerfiusut marluk. Ullut angalaffiusut ilanngunneqarpata naatsorsuutigineqarpoq ilinniarneq ilitsersuisumut ataatsimut ukiumi ataatsimi ulluni 40-ni sivisussuseqassasoq. Tamatuma assigissavaa ukiumi ataatsimi ulluni 40-ni ullormusianut ullormusianut aningaasartuutit aamma ukiumi ataatsimi ulluni 40-ni vikareqartitsineq. Ullormusianut akigititanut naleqqiullugu taakku tassaapput ullormut unnuamullu ataatsimut tamakkiisumik nerisaqartitsiviusumi 141,75 kr.-it, nerisaqartitsineq Nuna Tamakkerlugu Ilitsersuisarfimmit akilerneqartartut. Ullormusiat taamaalilluni atuarfimmiinnerup kingunerisaanik ilitsersuisunut ataatsimut ullunut 40-nut katillugit 5670 kr.-inik annertussuseqassapput. Taakku saniatigut qaammammut ataatsimut ullunullu qulinut vikarimut akissarsiassat AC-mut atorfinitssinneqartumut 39.271,56 kr.-it imaluunniit AK-mi atorfeqartumut 28.369,55 kr.-it.

Tamanna vikarimut ataatsimut 44.941,56 kr.-inik aningaasartuuteqarfiussaaq, vikari AC naapertorlugu isumaqatigiissuteqarpat aamma 34.039,55 kr.-iussalluni vikari AK-mi isumaqatigiissut malillugu atorfinitssinneqarsimappat. Ataatsimut isigalugu tamanna AC malillugu isumaqatigiissuteqartunut vikarini tallimanut katillugit 224.707,80 kr.-inik aningaasartuuteqarfiussaaq (imaluunniit vikari AK-mi isumaqatigiissut malillugu atorfinitssinneqarsimappat 170.197,80 kr.-iussalluni). Vikarit tallimat ilinniarfinnut 15-inut agguarsimasut pineqarmata aningaasartuutit tamarmiusut naatsorsuinikkut ilinniarfinnut naligiittumik agguartariaqassapput, tamannalu ilinniarfimmut ataatsimut 14.980,52 kr.-inik ukiumut aningaasartuutaassalluni. Tamanna tunngavigalugu naliliisoqarpoq siunnersuummi nr. 2-mi § 10, imm. 4 ilinniarfinnut ataasiakkaanut ukiumut annerpaamik 14.980,52 kr.-inik

aninggaasartuuteqarnermik kinguneqassasoq.

Majoriatulli paassisutissanik nalunaaruteqarnissamut ilinniarfiit pisussaaffeqarnerat pillugu siunnersummi nr. 3 eqqarsaatigalugu, tak. Inatsisartut inatsisaanni § 13, imm. 1, malugineqassaaq ilinniarfiup nalinginnaasumik ingerlatsineranut atatillugu suliat naammassineqartussat tunuliaqutaralugit paassisutissanik arlalinnik ilinniarfiit nassiussisareermata, tassunga ilanngullugit ingerlatat pillugit kisitsisini, ilinniartitaanerni ataasiakkaani ilinniagaqartut amerlassusii, ilinniagaqarnersiutinik aqtsineq il.il. tunngatillugu aningaasaliissutinut tunngaviusunut naleqqiullugu. Aammattaaq malittarisassani tunngaviit pigineqartut tunngavigalugit paassisutissanik attuumassuteqartunik Naalakkersuisut ilinniarfinnit piumasaqarsinnaareerlutik, tassunga ilanngullugu Naalakkersuisut nakkutilliinerannut atugassat. Tassunga aamma ilaasinnaapput suliassaqarfinni arlalinni pisariillisaanissaq aamma Naalakkersuisut siunnerfeqartumik suliniuteqarnerat siunertaralugu paassisutissatut tunngavittut atorneqarsinnaasut, tassunga ilanngullugit ilinniartitaanermut, ilitsersuussinermut suliffeqarnermullu attuumassuteqartunut suliniutinut naleqqiullugu. Siunnersummi nr. 3 taamaattumik najoqqtassanik sulinernillu atuuttunik maleduagassanik allanneqarsimanngitsunik inatsisitigut allanneqalerneri, isumalluutitigut tunngaviit pioreersut aallaavigalugit aaqqissugaanikkut tulluarsaanermi qulakkeerneqarsinnaasutut nalilerneqartut.

Siunnersummi nr. 3-mi § 13, imm. 2-mi kommunalbestyrelsit ilanngunneqarnerinut naleqqiullugu maannakkut nalunaaruteqarnissamut pisussaaffioreersumut atatillugu tamanna isigineqassaaq, tak. inatsisit atuuttut pillugit nalinginnaasumik nassuaatini siuliani allanneqartoq Nalunaaruteqartussaatitaaneq Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliartortartunut tunngasunik kommunalbestyrelsit paassisutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20, 19. november 2007-imeersumut aamma Namminersornerullutik Oqartussat nalunaarutaannut nr. 17, ulloq 16. oktober 2007-imeersumi Piareersarfinni qitiusumik ingerlatsiviit suliaminnik ingerlatsinerat il.il. naliliisarneq pillugu atavoq. Tamassuma saniatigut angusassatut isumaqatigiissutit tunngavigalugit paassisutissanik kommunalbestyrelsit nalunaaruteqartarput. Aammattaaq meeqqat atuarfiat pillugu Inatsisartut inatsisaanni nr. 15, 3. december 2012-imeersumi, Inatsisartut inatsisaatigut nr. 21, 13. november 2017-imeersukkut allanngortinneqartumi § 37, imm. 2-mit takuneqarsinnaavoq meeqqat atuarfiat pillugu Inatsisartut inatsisaat malillugu suliami isumaginissaanut pisariaqartutut isigineqartunik paassisutissanik kommunalbestyrelsi Naalakkersuisunit piumaffigineqarsinnaavoq.

4. Inuuussutissarsiortunut aningaasarsiornikkut allaffissornikkullu kingunissai

Inuuussutissarsiortunut aningaasatigut allaffissornikkullu kinguneqarnissaa naatsorsuutigineqanngilaq.

5. Avatangiisinut, pinngortitamut inuillu peqqissusaannut kingunissai

Siunnersuut avatangiisinut, pinngortitamut inuillu peqqissusiinut sunniuteqassanngilaq.

6. Innuttaasunut kingunerisassat

Siunnersuut inatsimmik atoruminarnerusumik kinguneqassasoq naatsorsuutigineqarpoq, tassa ilinniarfiit naammassinninnissamut ikaarsaariarnermilu ilitsersuinerannut malittarisassat erseqqissut aalajangersarneqarmata. Assersuutigalugu Majoriamut atuuttunut naapertuutumik ilinniarfiit ilitsersuussinerannut piginnaasaqarnissamut piumasaqaatip ikkunneqarneranut naleqqiullugu tamanna ilitsersuinermut pineqartumut naatsorsuutigisinnaasanut tamatumalu suliassap naammassineqarnerani pitsaassutsip pitsaanerulerneranik kinguneqarsinnaasumik tamanna innuttaasunut ilinniarfinnullu erseqqinnerulersitsilluni.

7. Siunnersuutip kingunerisinnaasai pingaarcerit allat

Siunnersuut allanik pingaarutilinnik kinguneqartitsinngilaq.

8. Pisortanik aamma kattuffinnik il.il. tusarniaaneq

Siunnersuut piffissami 18. maj 2021-mit 15. juni 2021-mut Namminersorlutik Oqartussat tusarniaanernut nittartagaanni tamanut ammasumik saqqumitinneqarpoq piffissamilu tessani tusarniaaffissatut attuumassuteqartunut tamanut tusarniutigineqarluni. Tassunga atatillugu ilanngussaq 2 tusarniaanermut tunngasoq innersuunneqarpoq.

Siunnersummi aalajangersakkanut ataasiakkaanut nassuaatit

§ 1-imut

Nr. 1-imut

Aalajangersakkami pineqarpoq nuna tamakkerlugu ilitsersuisarnermut periusissiornissamut Naalakkersuisut pisussaaffilerneqarnerat. Suliassat Naalakkersuisunit isumagineqartussat akornanni nr. 10-tut aalajangersakkap inissinneqarnerata takutiinnarpaa suliassaq pingaaruuteqartoq pineqartoq, tassa suliassat normulorsorneri tulleriaarinertut isigineqassanngimmat.. Inatsisartut Allattoqarfiani inatsisitigut misissuinikkut aalajangersagaq nr. 10-tut ilanngunneqarpoq nr. 1-iujunnaarluni, ,taamaalilluni Inatsisartut inatsisaanni aalajangersakkanik allanik arlalinnik aaqqisuuteriarlugu.

§ 3-mi suliassat allat assigalugit suliassat qanoq aaqqissuunneqassanersut Naalakkersuisunit nammineq aalajangigassanngortinneqarpoq, tessunga ilanngullugu suliffeqarfimmuit sinaakkusiussat, tassungalu aamma ilaalluni tamanna nuna tamakkerlugu ilitsersuisarfik aqquitalugu ingerlanneqassanersoq pillugu apeqqut.

Tamatuma saniatigut aalajangersakkap assigaa qaqugukkulluunniit nuna tamakkerlugu ilitsersuinermut periusissiaqassasoq Naalakkersuisunit allanngortinneqartussamik, tessunga ilanngullugu pisariaqartitsineq malillugu taarserneqarsinnaasoq imaluunniit

iluarsineqarsinnaasoq. Ilitsersuinermut periusissiap pisariaqartitsineq naapertorlugu nutarterneqartarnissaa qulakkeerniarlugu Naalakkersuisut pisussaaffeqarput.

Nr. 2-mut

Aalajangersagaq tassaavoq ilinniarfiit naammassinninnissamut ikaarsaariarnermullu ilitsersuisarnerannik piginnaatitsilerneq, tak. aammattaaq siuliani nassuaatini nalinginnaasuni allanneqarsimasut. Tassunga atatillugu ilinniarfiit tassatuaapput Namminersorlutik Oqartussat ilinniarfiutai.

Aalajangersagaq siunnersuisarnermik inatsimmi § 10-mik atuuttumik paragrafimi immikkoortunut nutaanut imm. 2-4-mut innersuussinertut katitigaavoq.

Imm. 2-mi taamaallaat pineqarpoq naammassinninnissamut ilitsersuussineq aamma ilinniarfinni ilitsersuisunit alaatsinaanneqartussanut ilitsersuussinermut atortutigut piumasaqaatinik aalajangersaalluni. Pissutsit eqqaaneqartut aamma tassaapput ilinniarnermut attuumassuteqartut apeqqutit aalajangersimasut aamma pissutsit ilinniartut ilinniarnerinut toqqaannartumik pinngitsooratik atasariaqanngitsut. Taamaalilluni aamma ilinniartut nammineq atugaanut tunngasuusinnaalluni, pineqartup ilinniakkamik paarsinissaanut ajornartorsiortitsisinnaasut. Tassunga atatillugu ilitsersuussinermut aamma ilaasinnaapput assersuutigalugu inummut tarnikkullu pissutsinut tunngasutigut ikiuineq imaluunniit tarnikkut isumaginninnikkullu siunnersuineq.

Aammattaaq aalajangersakkami oqaaseqatigiit pingajuannit takuneqarsinnaavoq naammassinninnissamut ilitsersuussineq sapinngisamik siusissukkut aallartissimanissaajornartorsiutaasinnaasut sioqqunnissaat siunertaralugu imaluunniit ilinniagaqartup artorsaatigisinnaasaanik unammillernartunit ajoqsiinerit annikillisinneqarnissaat.

Aalajangersakkami imm. 3 taamaalilluni ima paasineqassaaq ilitsersuineq sapinngisamik ilinniakkap inuussutissarsiutillu ingeranneranut naleqqiullugu ilinniartup nammineq pisariaqartunik aalajangiisinnaaneranut piareersarnissaa nukitorsarnissaalu siunertaralugu aaqqissuunneqarluni. Taamaalilluni paasineqarluni toqcarneqartut ilinniagaqartumit nammineq aalajangiiffingineqarneri erseqqilluni assersuutigalugu ilitsersuisumit aalajangiiffingineqarnatik. Aammattaaq aalajangiinerit piviusorsiortumik paassisutissallu tunngavigalugit aalajangiiffingineqarsinnaassallutik, taamaalilluni pineqartup takorloorsimanngisaanik unammillernartunik annertunerusunik kingorna ilinniagaqartoq tupallatsinnejarnani, aamma pineqartup ilinniakkaminik naammassinninnissaanut periarfissaanut naleqqiullugu pingaaruteqarsinnaasunik.

Aalajangersakkami imm. 4-mi pineqarput ilinniarfimmi ilitsersuisut piukkunnassusiannut piumasaqaatit pineqarput, taanna malillugu Majoriami ilitsersuisunut atuuttut assigalugit piukkunnassutsimut piumasaqaatit taakkununnga atuutilerlutik, tak. Inatsisartut inatsisaat § 12, imm. 2.

Aalajangersakkami 1. imm. atuarneqarsinnaavoq Naalakkersuisut ilinniartitaanikkut ilitsersuisutullu ilinniartitaanermik akuerisaannik ilitsersuisoq naammassisqaqsimassasoq imaluunniit Inatsisartut inatsisaat malillugu ilitsersuinissamut taamaaqataanik ilitsersuinermik suliaqarnermi piginnaasaqarnini upternarsarsinnaassallugu. Piginnaasat qaffasissusiat Naalakkersuisunit aalajangersimasumik nalilerneqassaaq. Piginnaasat qaffasissusiatut Naalakkersuisunit akuerineqarsinnaasut assersuutigalugu tassaasinnaavoq nunani allani ilitsersuisutut ilinniarneq. Aammattaaq universitetimi naleqquttumik ilinniagaqarneq imaluunniit isumaginninnermi siunnersortitut ilinniarneq pissutsit malillugit aamma eqqarsaatigineqarsinnaasoq. Aalajangersakkap oqaasertaani aamma takuneqarsinnaavoq taamaaqataanik ilitsersuinermik suliaqarnermi qaffasitsigisumik pinngitsoorani piginnaasaqartariaqanngitsoq, tassa tamanna aamma assersuutigalugu ilitsersuisutut suliassanik ukiorpassuarni sulisimaneq tunngavigalugu tamanna qulakkeerneqarsinnaammat.

Aammattaaq aalajangersakkami oqaaseqatigiit aappaanni utaqqiisaagallartutut isikkoqartumik ilaatisinnginnermik imaqarpoq. Malinneqartariaqanngitsunik malittarisassap atornissaanut piumasaqaataavoq inuup ilitsersuisarnermi ilaatigut piginnaasaqartup pineqarnera, inuillu tassunga peqatigitillugu ilitsersuisartutut ilinniartuussapput imaluunniit ilinniarnerup assinganik aallartingajalerlutik. Taamaalluni ataavartumik malinneqartariaqanngitsoq pineqanngilaq, tassa aalajangersakkami piumasaqaataammat ilinniagaqarneq pillugu piumasaqaat piffissap ilaani malinneqassasoq. Ilinniagaqarsimanermik piumasaqaammik malinnginnerup sivissussusia pillugu apeqqut nalilersorneqassaaq. Tamanna aamma ilitsersuinermi sulinermi sutigut piukkunnaateqarneq pillugu apeqqummut atuuppoq, ilinniagaqarsimanissamut piumasaqaatip naammassineqarnissaq pisariaqartikkunnaarlugu. Piukkunnaateqarnerit taamatut ittut pingarnertut ilitsersuisutut suliassanik ukiorpassuarni sulisimanerit ilaapput.

Nr. 3-mut

Aalajangersakkap Inatsisartut inatsisaanni § 13 atuuttoq annertusivaa, pineqarlunilu paasissutissat immikkoortortaqarfiit sumiiffinni akisussaasut paasissutissiissutaat tunngavigalugit nunami tamarmi paasissutissanik tunngavissanik pilersitsinissaq.

Imm. 1-ip assigiinnarpaa ilitsersuisutut sulinermut sullinniakkat pillugit annertunerusumik paasisimasaqarnissap qulakkeerneqarnissaa siunertalarugu paasissutissanut tunngavinnik ataatsimoorussanik pilersitsisoqarnissaanut Namminersorlutik Oqartussat ilinniarfeqarfiutai ikuutissasut, taamaalluni siunnerfeqartumik kinguneqarluartumillu ilitsersuinermi sulinissamut tunngaviusinnaallutik. Aalajangersakkami nutaamik pilersitsineq tassaavoq nalunaaruteqarnissamut pisussaaffik atuuttoq maannakkut Namminersorlutik Oqartussat ilinniarfeqarfiutaat ilaatilerlugin aamma erseqqissumik aalajangersaasoqarmat.

Ilinniarfiit nalunaaruteqartussaatitaaneranni pineqarput ullumikkut kommunalbestyrelsinut atuuttut paasissutissat assingi. Tassa imaappoq ilitsersuinermi suliniutit aalajangersimasut

pillugit paasissutissat aamma sullinniakkat cpr-normuinut, iliniarnikkut sulinikkullu tunuliaqtaannut tassunga ilanngullugu sulisimanerup annertussusaa aamma ilinniarnerup ingerlannerata naammassineqarsimanera kipitinneqarsimaneralu kiisalu pikkorissarsimasinnaanernut tunngasut paasissutissat tassunga ilanngullugit ilitsersunneqarnissamut neqeroorutit suut ataasiakkaanit pissarsiarineqarsimaneri pillugit paasissutissat.

Imm. 2-mi communalbestyrelsit ilangunneqarnerat ikkunneqarpoq. Tamatuma kingorna kommunimi immikkoortut ilitsersuinikkut suliaannik nalunaaruteqarnissamut communalbestyrelsit peqquneqarnissaannut Naalakkersuisut aamma periarfissaqalissapput, siunnerfeqarnerusumik ataasiakkaanullu tulluarsarsimasumik ilitsersuinermik suliaqarnissap qulakkeerneqarnissaa peqqusinerup siunertarippagu. Kommunalbestyrelsit paasissutissaataannut ilaassapput meeqqat atuarfiisa aamma Majoriat ilitsersuinermik sulinerat.

Aalajangersakkami imm. 3-mi allatigut allannguisoqanngilaq, § 13-p allanngortinnissaanut siunnersuut pillugu paasitsinissaq ataqtigiissitsinissarlu siunertaralugu siunnersuummut taamaallaat ilangunneqarmat. Aalajangersakkami imm. 1 aamma 2-mi allannguinerit kingunerisaatut imm. 1 aamma 2-mi pissutsinut eqqaaneqartunut tunngasunik paasissutissanik ilinniarfiit nalunaarsuinerat nalunaaruteqartarnerallu pillugit malittarisassanik aalajangersaanissamut maannakkut piginnaatitsineq ilaalerpoq.

§ 2-mut

Aalajangersakkami siunnersuutip atuutilerfissaa allanneqarpoq. Nalilersuilluni nalunaarusiami innersuussutit piaarnerpaamik naammassineqarnissaat eqqarsaatigalugu piffissaliussaq toqqarneqarpoq.

Aalajangersakkami imm. 2 maannakkut pisinnaatitaaffiusut ataaqqineqarnissaat siunertaralugu oqaasertalerneqarpoq. Tamanna ilinniarfinni atorfekartut eqqarsaatigalugit pivoq, Inatsisartut inatsisaata piffissami atulersinnerani naammassinninnissamik ikaarsaariarnermilu ilitsersuinermik suliaqartunut, naak Naalakkersuisut akuerisaannik ilinniartitaanermik inuussutissarsiutinullu ilitsersuussinermut ilinniagaqarsimanngikkaluartut, imaluunniit taamaaqataannik ilitsersuinermi suliaqarnissamut piginnaasaqarnermik upfernarsaasinnaanngikkaluartut.

Siunnersuut inatsimmut atuuttumut sanilliullugu	
<i>Oqaasertaliussat atuuttut</i>	<i>Inatsisissatut siunnersuut</i>
	§ 1
	Kalaallit Nunaanni ilinniartitaanermut inuussutissarsiuinillu siunnersuisarneq pillugu Inatsisartut inatsisaanni nr. 4, 29. november 2013-imeersumi, Inatsisartut inatsisaatigut nr. 12, 27 november 2018-imeersukkut allanngortinneqartumi, imatut allannguisoqarpoq:
<p>§ 3. Naalakkersuisut makku isumagissallugit pisussaapput:</p> <ul style="list-style-type: none"> 1) ilitsersuisarneq nalilersortassallugu ineriartortissallugulu, 2) ilitsersuisarneq ataqtigisiassassallugu, 3) ilitsersuisarneq pillugu paasissutisisassallutik, 4) ilitsersuisarnermi atortut suliarissallugit siaruartissallugillu, 5) ilitsersuisartut ilinniartittassallugit ilinniarteqqittassallugillu, 6) sumiiffinni ilitsersuisarfinnut tunngatillugu ilitsersuisarneq, 7) misilittakkanik ilisimasanillu paarlasseqatigiittarneq, 8) attaveqarfingeqatigiittarnermik pilersitsineq tapersorsortassallugu, aamma 9) tarnikkut isumaginninnikkullu ilitsersuineq isumagalugu, tassunga ilanngullugu ilinniartunut tarnikkut katsorsaaneq, § 18, imm. 2. takuu. 	<p>1. § 3 nr. 9-p kingorma normutut nutaatut ilanngunneqassaaq:</p> <p>”10) nuna tamakkerlugu ilitsersuinissamut periusissiornerup ingerlaavartumik nutarterneqartarnissaa”.</p>
<p>§ 10. Ilinniarfiit akisussaaffigivaat ilinniartut ilinniakkaminnik naammassinninnissaat ikaarsaariarnissaallu pillugit ilitsersuisassallutik. Ilinniakkanut pineqartunut malittarisassat malillugit ilitsersuineq ingerlanneqartassaaq.</p>	<p>2. § 10 imatut oqaasertalerneqassaaq:</p> <p>” § 10. Ilinniarfiit ilinniagaqarniarlutik qinnuteqartunut ilinniakkamik naammassinninnissamut ikaarsaariarnermilu ilitsersuisarnissamut akisussaapput. Ilinniakkanut pineqartunut malittarisassat atuuttut malillugit ilitsersuineq ingerlanneqassaaq, taamaattorli tak. imm. 2-</p>

4.

Imm. 2. Ilinniarfiit naammassinninnissamut ilitsersuinerat ilinniagaqartup ilisimasaanik, pikkorissusianik ilinniakkamilu piginnaasaanik ikorfartuillunilu ineriartortitsissaaq. Tassunga ilaapput inummut inooqataanermullu pissutsit, ilinniartitaanermi atuartitsissutinik qaffasissutsinillu toqqaaneq, takkutinngitsoorneq, kajumissuseq, karakteerit, soraarummeernermermi periuseq, soraarummeernissamut annilaanganeq, ilinniariaaseq, sulinermi ileqqut, suleqatigiissinnaassuseq aamma ilinniakkami atuaqatigiinnilu atugarissaarneq pillugu ilitsersuineq. Naammassinnissinnaanermut ilitsersuineq siusissukkut pitsaliuilluni suliniutitut tunniunneqassaaq ilinniagaqartup ilinniarnerup annertuumik artukkiisutut misigisaqannginnissaa atuartitsinermullu naleqqiullugu katataannginnissaa qulakkeerniarlugu.

Imm. 3. Ilinniarfiit ikaarsaariarnermi ilitsersuinerisa qulakkiissavaat ilinniartut ilisimatinneqarneq, eqqarsarfiusumik piviusorsiortumillu tunngaveqarlutik ilinniakkamik, inuussutissarsiummi aamma atorfimmik ingerlavissamik toqqaasinnaallutik. Tassunga ilaapput piginnaasat soqutigisallu paasisaqarfigineri, ilinniakkap imarisaanut, piumasaaqataanut, naatsorsuutigisanut, ingerlaqqinnissamut periarfissanut, ilinniartitsinermut, kulturimut avatangiisinut suliffeqarfinnillu ilisimasaqalernissap qulakkeerneqarnera.

Imm. 4. Naalakkersuisunit akuerisaasumik ilinniartitsinermik inuussutissarsiuinillu siunnersuisarnermik ilinniagaqarsimasunit imaluunniit tassunga assingusumik ilitsersuisinnaanermik piginnaasaqarnermik upternarsaasinnaasunit inunnit naammassinninnissamut ikaarsaariarnermilu

	<p>ilitsersuineq ingerlanneqassaaq. Naalakkersuisut tamanna pillugu ilinniarfinniit qinnuteqartoqareernerata kingorna ilitsersuisarnerup inummit siunnersuisarnermi allaanerusunik piginnaasaqartumit utaqqiisaasumik ingerlanneqarnissaa akuerisinhaavaat, ilitsersuisartoq pineqartoq Naalakkersuisunit akuerisaasumik ilinniartitsinermik siunnersuisarnermillu ilinniarnermik ingerlataqarpat ilinniarnissamilluunniit pilersaaruteqarpat.”</p>
<p>§ 13. Ilinniartitaanermut suliffeqarnermullu tunngatillugu siunnersuisarnikkut sulinuitit siunnerfilimmillu sulissutigisassat ingerlanneqarnerinut atugassatut ataasiakkaatut siunnersuisarnerni paasissutissanik pissarsiarineqartunik kommunalbestyrelsip siunnersuisarnermi suliaanik innuttaasullu ilinniartitaanikkut suliffeqarnikkullu tunngasutigut killiffiinik, nuna tamakkerlugu paasissutissanik qitiusumik katersaateqalernissaq siunertaralugu communalbestyrelsi Naalakkersuisunut ingerlatitsisassaaq.</p> <p><i>Imm. 2.</i> Imm. 1-imi siunertarisatut taaneqartut innersuussutigalugit, ilinniarfiit, meeqqat atuarfii namminersortut, efterskolit folkehøjskolellu ilinniariup siunnersuisoqarnikkut suliai pillugit paasissutissaatiminnik nalunaaruteqaqqullugit Naalakkersuisut peqqusisinnaapput.</p> <p><i>Imm. 3.</i> Imm. 1 aamma 2 naapertorlugit nalunaarsuisarneq paasissutissanillu nalunaaruteqartarneq pillugit Naalakkersuisut malittarisassanik aalajangersaasinjaapput, tassunga ilanngullugu paasissutissat elektroniskimik nalunaarsorsimanissaannik nalunaarutigineqarnissaannillu piumasaqarsinjaaneq pillugu.</p>	<p>3. § 13 ima oqasertaqassaaq:</p> <p>” § 13. Ilitsersuinikkut suliniutinik aqutsinermut aamma ilinniartitaanermut suliffeqarnermullu tunngatillugu anguniakkanut naleqqiullugu sulinuitit siunnerfilernissaannut atugassanik nuna tamakkerlugu paasissutissanut tunngavinnik pilersitsinissaq siunertaralugu ataasiakkaanut ilitsersuinerni suliniutitik pillugit aamma innuttaasut ilinniartitaanikkut suliffeqarnikkullu killiffi pillugit paasissutissat communalbestyrelsinit ilinniarfinniillu nalunaarsorneqarlillu Naalakkersuisunit nalunaarutigisassavaat.</p> <p><i>Imm. 2.</i> Imm. 1-imi siunertarisatut taaneqartut innersuussutigalugit, communalbestyrelsit, ilinniarfiit, meeqqat atuarfii namminersortut, efterskolit folkehøjskolellu ilinniariup ilitsersuisoqarnikkut suliai pillugit paasissutissaatissanik nalunaaruteqaqqullugit Naalakkersuisut peqqusisinnaapput.</p> <p><i>Imm. 3.</i> Imm. 1 aamma 2 naapertorlugit nalunaarsuisarneq paasissutissanillu nalunaaruteqartarneq pillugit Naalakkersuisut malittarisassanik aalajangersaasinjaapput, tassunga ilanngullugu paasissutissat elektroniskimik nalunaarsorsimanissaannik nalunaarutigineqarnissaannillu piumasaqarsinjaaneq pillugu.”</p>

	§ 2
	<p>Inatsisartut inatsisaat ulloq 1. januar 2022-mi atuutilissaaq.</p> <p><i>Imm. 2. Inatsisartut inatsisaanni § 1, nr. 2- mi § 10, imm. 4, 1. januar 2022 sioqqullugu ilitsersuisarnermik suliaqartutut taaneqartuni inunnut atorfeqartunut atorneqassanngilaq.</i></p>

Siunnersuutip tusarniaassutigineqarnera

Siunnersuut piffissami tusarniaaffiusumi ukununnga tusarniaassutigineqarsimavoq:

Naalakkersuisut Siulittaasuata Naalakkersuisoqarfia
Aningaasaqarnermut Nunamullu Namminermut Naalakkersuisoqarfik
Ineqarnermut, Attaveqatigiinnermut Naligiisitaanermullu Naalakkersuisoqarfik
Aatsitassanut Naalakkersuisoqarfik
Nunalerinermut, Imminut Pilorsornermut, Nukissiutinut Avatangiisinullu
Naalakkersuisoqarfik
Peqqissutsumut Naalakkersuisoqarfik
Aalisarnermut Piniarnermullu Naalakkersuisoqarfik
Isumaginninnermut Sulisoqarnermullu Naalakkersuisoqarfik
Meeqqanut, Inuusuttunut, Ilaqtariinnut Inatsisillu Atuutsinneqarnerannut
Naalakkersuisoqarfik
Inuussutssarsiornermut, Niuernermut, Nunanut Allanut Silallu Pissusaata
Allanngoriartorneranut Naalakkersuisoqarfik
Sulisitsisut (GE)
SIK
Kommune Kujalleq
Kommuneqarfik Sermersooq
Qeqqata Kommunia
Avannaata Kommunia
Kommune Qeqertalik
Nuuk Internationale Friskole
NUSUKA
IMAK
AK
Nanu Børn
MIBB Meeqqat Inuunerissut
MIPI - Meeqqat Inuusuttullu pillugit ilisimasaqarfik
Inuit Pisinnatitaaffii pillugit Nunatsinni Siunnersuisoqatigiit
Inuit Pisinnatitaaffii pillugit institutit
Knud Rasmussenip Højskolia
Sulisartut Højskoliat
NPK
Avannaani Ilinniarneruntuunngorniarfik
Qeqqani Ilinniarneruntuunngorniarfik
Kalaallit Nunaanni Teknikimik Ilinniarfik (KTI)
Campus Kujalleq
INUILI

Kalaallit Nunaanni Imarsiornermik Ilinniarfik

NI-Nuuk

Peqqissaanermik Ilinniarfik

Ilisimatusarfik

Perorsaanermik Ilinniarfik

Savaatilinngorniat Ilinniarfiat

Eqqumiitsuliornermik Ilinniarfik

ILI ILI

Avalak

ASG

Nuna Tamakkerlugu Ilitsersuisarfik

MIO

Kalaallit Nunaanni isumaginninnermi siunnersortit ilinniarsimasut peqatigiiffiat (NIISIP)

Inuit Innarluutillit Illersuisuat

Mælkebøttecenteri

Red Barnet

Peqatigiiffik Kalaallit Meerartaat

Kalaallit Røde Korsiat

Tusarniaanerup naammassereernerani tusarniaavigineqartunit ukuninnga akissutit tiguneqarput:

Naalakkersuisut siulittaasuata Naalakkersuisoqarfia, Aningaasaqarnermut Nunamullu

Namminermut Naalakkersuisoqarfik, Isumaginninnermut Sulisoqarnermullu

Naalakkersuisoqarfik, Meeqqanut, Inuuksutnunut, Ilaqutariinnut Inatsisillu

Atuutsinneqarnerannut Naalakkersuisoqarfik, Aalisarnermut Piniarnermullu

Naalakkersuisoqarfik, Qeqqata Kommunia, Kommune Kujalleq, Innarluutillit illersuisuat,

Inuit Pisinnatitaaffii pillugit institutit Danmarkimiittoq, Ineqarnermut

Attaveqatigiinnermullu Naalakkersuisoqarfik aamma Qitiusumik Ilinniarfiit Ataatsimut

Siunnersuisoqatigiiffiat Sulisitsisut peqatigalugit tusarniaanermi akissutinik

nassiussisimapput.

Tassunga atatillugu siunnersuummut nalinginnaasumik naammagisimaarinninneq tapersuinerlu paasineqarsinnaavoq.

Tusarniaanermut akissutit tiguneqartut amerlasuutigut nalilersuinermik nalunaarusiamik malitseqartitsinissamut attuumassuteqarput, taannami Inatsisartut inatsisaata nutarterneqarneranit allaanerusumik suliarineqarnissaa pisariaqarmat, siunnersuummi nalinginnaasumik nassuaatini tamanna pillugu allanneqartunut aamma nalilersuinermik nalunaarusiaq takuuk. Oqaaseqaatit tiguneqartuni arlallit nutarterinissamut tunngapput, tamannalu piviusungortinneqarsinnaavoq sakkut allat soorlu nalunaarutit, ilitsersuutit, angusaqarnissamik isumaqatigiissutit, tatiginartumik suleriaatsinik allaaserinninnerit aqqutigalugit ingerlanneqarsinnaalluni.

Tamatuma saniatigut Qitiusumik Ilanniarfii Ataatsimut Siunnersuisoqatigiiffiat Sulisitsisullu tusarniaanermi ataatsimoorussamik akissummik nassiuissaminni oqaatigaat, ilitsersuinermut periusissiaq nutartereqartarnissaa siunnersuutip nr. 1-ianut ilanngunneqarnissaa isumaliuutigineqarsinnaasoq. Tamanna ilanngunneqarpoq, imaalillugu nutarterinissamut pisussaaffik aalajangersakkap oqaasertaanut erseqqisumik massakkut allassimalerpoq.

Qitiusumik Ilanniarfii Ataatsimut Siunnersuisoqatigiiffiat Sulisitsisullu inatsimmik allannguineq atuarfinnut aningaasartuutigut sunniuteqarnaviansngitsumik isummersuutinut isumaqataannginnertik aamma oqaatigaat. Tusarniaanermut akissummut ataatsimoorussamut ilassutitut oqaatigineqassaaq, siunnersuisoqarnikkut suliat nalunaarsorneqarnissaat nalunaarutigineqarnissaallu qitiusumik ilanniarfinni inunnut ataasiakkaanut allaffissornikkut suliassaqarnerulerlernermik kinguneqassamat. Atuarfiit siusinnerusukkut allaffissornikkut suliassat tigusarnikuuaat, aningaasaliissutsit qaffanneqarnerinik kinguneqanngitsunik, tamatumalu siunissaq ungasinnerusoq eqqarsaatigalugu atuarfiit aningaasaqarnerannik mangiaalernera.

Qitiusumik Ilanniarfii Sulisitsisullu oqaaseqaataannut tunngatillugu, Namminersorlutik Oqartussat ilanniarfitaannut aningaasaqarnikkut aqutsinikkullu pisortanut kingunerisinnaasai, immikkoortoq 3-miittut siunnersuummut nalinginnaasumik oqaaseqaatinut innersuussisoqassaaq. Tassunga atatillugu oqaatigineqarpoq, siunnersummi nr. 2-mi § 10, imm. 4 ilinniartitsinermik ilitsersuisunit pisinnaasatigut piumasaqaatit pillugit ilanniarfinnut ataasiakkaanut ukiumut annerpaamik 14.980,52 kr.-nik aningaasartuuteqarnermik kinguneqassasoq.

Immikkoortumi tassani Majoriatulli paassisutissanik nalunaaruteqarnissamut ilanniarfii pisussaaffeqarnerat pillugu siunnersummi nr. 3-mut nassuiarneqarpoq, tak. Inatsisartut inatsisaanni § 13, imm. 1. Malugineqassaaq ilanniarfiiup nalinginnaasumik ingerlatsineranut atatillugu suliat naammassineqartussat tunuliaqutaralugit paassisutissanik arlalinnik ilanniarfii nassiusisareermata, tassunga ilanngullugit ingerlatat pillugit kisitsisini, ilinniartitaanerni ataasiakkaani ilinniagaqartut amerlassusii, ilinniagaqarnersiutinik aqutsineq il.il. tunngatillugu aningaasaliissutinut tunngaviusunut naleqqiullugu. Aammattaaq malittarisassani tunngaviit pigineqartut tunngavigalugit paassisutissanik attuumassuteqartunik Naalakkersuisut ilinniarfinit piumasaqarsinnaareerlutik, tassunga ilanngullugu Naalakkersuisut nakkutilliinerannut atugassat. Tassunga aamma ilaasinnaapput suliassaqarfinni arlalinni pisariillisaanissaq aamma Naalakkersuisut siunnerfeqartumik suliniuteqarnerat siunertaralugu paassisutissatut tunngavittut atorneqarsinnaasut, tassunga ilanngullugit ilinniartitaanermut, ilitsersuussinermut suliffeqarnermullu attuumassuteqartunut suliniutinut naleqqiullugu. Siunnersummi nr. 3 taamaattumik najoqqutassanik sulinernillu atuuttunik maleruagassanik allanneqarsimangitsunik inatsisitigut allanneqalerner, isumalluutitigut tunngaviit pioreersut aallaavigalugit aaqqissugaanikkut tulluarsaanermi qulakkeerneqarsinnaasutut nalilerneqart.

Tamanna tunngavigalugu tusarniaanernut akissutit siunnersuummi allannguinissamut pissutissaqartitsinngillat.

Tamatumanngalu atatillugu uani ataaniittumi tusarniaanermut atatillugu skemaliami (ilanngussaq 2) nalunaarsuutit innersunneqassapput, tusarniaanermit akissutaasut tamarmik sammineqarfingisaat aammalu oqaaseqarfingineqarneri. Tusarniaanermut akissutit siunnersummut tunngassuteqanngitsut oqaaseqarfingineqanngillat.

Tusarniaanermut akissutit pillugit allakkiaq

	Tusarniaavigin eqartoq	Oqaaseqaatit	Oqaaseqaatigineqartumut oqaaseqaatit
1	AN	Susassaqarfimmi nalilersuilluni nalunaarusiaq attuumassutillip allap inernera malitseqartitsinerlu 2019-imeersoq, tassa Majoriap ilitsersuisarnernut pikorissaqqinnernullu suliniutai pillugit EVA-miit nalunaarusiaq eqqaaneqanngilaq. Tamanna naapertuutinngilaq, aamma inatsisisstat siunnersummut oqaaseqaatit nalilersuinermut kingullermut isummersimasariaqaraluarp ut, tassami ilaatigut uani aalajangersakkanut siunnersuutit allamut saatinnissaat pisariaqarsinnaassammat.	Oqaaseqaat siunnersuummi nassuaatinik ilaqtumut allannguinissamut tunngavissiisimanngilaq. Matumani Danmarks Evalueringsinstitutip (EVA) nalunaarusiaa siunnersuisarnermik inatsimmik imaqqannginnera pissuteqarpoq. EVA'p nalunaarusiaa Majoriami sullissiviit suliassaminnik isumaginnittarneri pillugit misissuinermik imaqarpoq, uani ilaalluni pingaartumik Majoriami ilitsersuisarnernut pikorissaqqinnernullu suliniutaasa qanoq annertutigisumik qanorlu ilillutik innuttaasut akornanni pisariaqartitsisut sulilernissaminnut ilinniarnissaminnullu piareersimanissaasa nukittorsarneqarnissaanut siunertamik malinnaanersut nalilersorneqarluni.
1.1	AN	Oqaaseqaatit ataatsimut isigalugit	Oqaaseqaat siunnersuummi nassuaatinik ilaqtumut

		<p>Aamma nalilersuinermik nalunaarusiat taakku marluk ataqatigiissumik sunniuteqarnerusumillu malitseqartinnissaat pingaaruteqarpoq.</p> <p>Inatsisissatut siunnersuummut nassuaatini nalinginnaasuni aamma oqaatigineqartutuut inatsisissatut siunnersuummi matumani aalajangersakkat allangortinneqarnissaat kisimi apeqqutaanngilaq, kisiannili ingerlaqqilluni suliffeqarfeqarnermut, ilinniartitaanermullu suliassaqarfii akimorlugit peqataasut assigiinngitsunut, uani namminersorlutik oqartussanut kommuninullu. Malitseqartitsineq aalajangersakkanik allangortitsinissamut allangortinnissaannut siunnersuuteqarnermi aamma nalunaarutit malinnaatinneqartut suliarineqarnerisa saniatigut aamma taamaalilluni aaqqissuussaanikkut allannguinissamut pisariaqartitsilerninaavoq, aqutsissutinik nutarterinernik aamma aninggaasaliissutitigut aaqqiivigineqartariaqarsinna apput, tassunga ilaalluni suliat naammassiniarnerini pingaarnersiuinernut</p>	<p>allannguinissamut tunngavissiisimanngilaq.</p> <p>Siunnersuummut oqaaseqaatini nalinginnaasuni allassimasutuut, nalunaarummut malitseqartitsinissaq siunnersuutigineqarpoq "Kalaallit Nunaanni Ilinniartitaanermut ingerlataqarfik; Ilinniartitaanermut inuussutissarsiatinillu siunnersuisarneq pillugu maannakkut suliniutinik nalilersuinermik misissuineq" (siunnersuisarnermik suliniutinik nalilersuineq pillugu nalunaarusiaq) august 2019- imeersoq.</p> <p>Aamma siunnersuummut nalinginnaasumik nassuaataani aamma nalilersuinermut nalunaarusiami atuarneqarsinnaavoq, nalilersuinermut nalunaarusiamut malitseqartitsinissaq Inatsisartut inatsisaata nutarterneqarneranit allaanerusumik suliarineqarsinnaasoq.</p> <p>Taamaattumik tamanna sakkut allat soorlu nalunaarutit, ilitsersuutit, angusaqarnissamik isumaqatigiissutit, tatiginartumik suleriaatsinik allaaserimminnerit il.il. tunngavigalugit ingerlanneqarsinnaavoq.</p> <p>Kiisalu aamma suliniutinut allanut innersuussisoqarpoq,</p>
--	--	---	---

		<p>allangortitsinissat. Taamaammat malitseqartitsinissamut ataatsimoortumik pilersaarusiornissaq pisariaqarpoq, maannakkummi taamaattoqanngilaq, kisianni soqutigisaqartut attuumassutilinnit piaernerpaamik suliarineqarnissaa salliutinneqartariaqarpoq, matumani ilanngullugit naalakkersuisoqarfiiit aamma soqutigisaqaqtigii suliamut peqataasut. Sanilliussinerup uuma aamma ilitsersuisarnernut ajornartorsiutip suliassaqarfiiit akimorlugit suliassaanera pissutigalugu aallaqqaatitut nalilersuinerit marluk eqqaaneqartut malillugit nalinginnaasumik nassuaatini erseqqissaaffigineqarnissaat innersuussutigineqarpoq.</p>	<p>assersuutigalugu "Suliniummi Imminut pilersornerulerneq"- mut, taanna kommuninik akuutitsinikkut naalakkersuisoqarfiiit akimorlugit suliniutaavoq ilaatigut amerlanerusut sulilernissaat aamma nammineq pilersornissamut kaammattuutit nukittorsarnissaannut qulakteerisussaq.</p> <p>Matumunnga tunngatillugu oqaatigineqassaaq, "Suliniummi Imminut pilersornerulerneq"- mut atatillugu suleqatigiissitaqqamik pilersitsisoqarsimavoq, inuuusuttut sullinniakkani immikkut suliaqartunik.</p> <p>EVA'p nalunaarusiaanut tunngatillugu, tusarniaanermut akissuteqaat nr. 1-imut innersuussisoqarpoq.</p>
1.2	AN	<p>1-imut § 3-mut allanguut: Uani siunnersuutigineqarpoq, nuna tamakkerlugu ilitsersuinermut periusissiorqassasoq</p> <p>Oqaaseqaatigineqartut: Siunnersueriaatsinut tamarmiusunut <i>periusissiamik</i> <i>pilersaarummik</i> <i>ilanngussartalimmik</i> peqarpat siunertamut</p>	<p>Oqaaseqaat siunnersuummi nassuaatinik ilaqtumut allanguinissamut tunngavissiisimanngilaq.</p> <p>Siunnersuutip nr. 1-ip siunertavigaa nuna tamakkerlugu ilitsersuinermut periusissiorqassasoq Naalakkersuisut pisussaatinneqartut. Tusarniaanermi akissummut nr. 1.1-imut oqaaseqaatit aamma innersuussutigineqarput.</p>

		<p>iluaqutaassaaq.</p> <p>Maannakkut apeqqutaalissaq, ilitsersuut qanoq aaqqissuussaassanersoq aamma ilaatigut suliffeqarnermut periusissiami inuiaqatigiinni pingaaruteqariartuinnartumut tunngatillugu aamma ullumikkut inuuusuttut ornigulluni ilitsersuinissamut suliassap assigiinngitsumilu kivitsiffingineqartup aaqqinnejarsimannngitsumllu tunngatillugu pingarnertut Ilinniartitaanermut periusissiap pilersaarutillu qanoq illillutik taakku ilangunneqarnissaat.</p> <p>Erseqqissaatigineqassaaq, 2030-mut</p> <p>Ilinniartitaanermut Periusissaq” 2021-p ingerlanerani naammassineqartussamat, aamma Ilinniartitaanermut pilersaarut II juuni 2021-mi tusarniaavigineqarpoq. Aalajangersakkamut uunga nassuaatini taamatut ataqatigiinneq iluaqutaasumik eqqaaneqarsinnaavoq.</p>	<p>Peqatigisaanik oqaatigineqassaaq, siunnersuutip aalajangersimasumik 2030-mut Ilinniartitaanermut Periusissaq imaluunniit Ilinniartitaanermut pilersaarut II-mut tunnganngimmat, kisiannili Kalaallit Nunaanni Ilinniartitaanermut ingerlataqarfik; Ilinniartitaanermut inuussutissarsiatinillu siunnersuisarneq pillugu maannakkut suliniutinik nalilersuinermik misissuineq” (siunnersuisarnermik suliniutinik nalilersuineq pillugu nalunaarusiaq) august 2019-imeersoq tunngavigalugu suliarineqarsimammat.</p>
1.3	AN	<p>Oqaaseqaatinut immikkoortuat 1.2.6.-imut.</p> <p>Qarasaasiatigut Nalunaarsuiffimmi suliaqarnerup</p>	<p>Oqaaseqaat siunnersuummi nassuaatinik ilaqaqtumut allannguinissamut tunngavissiisimanngilaq.</p>

		<p>naammassineqarnera</p> <p>Immikkoortumi uani tamakku ilaatigut oqaatigineqarput:</p> <p><i>"Innersuussummi inatsimmik naleqqussaanissamut tulluanngitsut pissutsit pineqanngillat. Taamaattumik innersuussut siunnersuummut naleqqiullugu suliniuteqarnissamut pissutissaqartitsinngilaq. Innersuussut taarsiullugu Qarasaasiatigut Nalunaarsuiffiup suli ineriertortinneranut atatillugu sammivilerneqassaaq."</i></p> <p>Naalakkersuisoqarfiup soorunami eqqumaffigaa, qarasaasiakkut nalunaarsuiffiup IT Reg-ip ullumikkut suliassaqarfimmi atorneqarnera, kisiannili aaqqissuussaq arlaannaannulluunniit attuumassuteqanngitsoq pisortani allaffissornikkut sulianik suliaqarnissamut atorneqarsinnaappat naapertuunnerussaaq.</p> <p>Kisianni imaassinjaavoq IT Reg-ip aamma taassuma ineriertorteqqinera tamatumunnga aallaavittut qaqugumulluunniit atuuttoq.</p>	<p>Aamma oqaatigineqassaaq, nalilersuinermi nalunaarusiapi IT-reg systemi pillugu innersuussutai, innersuussut siunnersuussuutikkut sammivilerneqarsimannngimmat.</p> <p>Siunnersuuteqarneq isumaqanngilaq IT-reg tassaassasoq allaffissornikkut sulianik suliaqarnissamut pineqartumut aallaavittut qaqugumulluunniit atuutissasoq.</p>
1.4	AN	Nuna Tamakkerlugu Ilitsersuisarfiup inisisimanera	Oqaaseqaat siunnersuummi nassuiaatinik ilaqtumut allannguinissamut

		<p>Aningaasanut inatsimmi, AI2021, 40.90.13-imi Nuna tamakkerlugu</p> <p>Ilitsersuisarfik, Majoriani Ilitsersuisarfiup suliassai arlaleriarlutik eqqaaneqaqattaarput, akerlianilli Ilitsersuisarfip ukiumoortumik nalunaarusiaani eqqaaneqanngivillutik.</p> <p>Taamaalilluni erseqqissumik allassimasoqanngilaq, Ilitsersuisarfiup suliassai ilinniarfinni ilinniartunut innuttaasunullu Majoraniittut akornanni qanoq agguarneqarsimanersut, aammami taamatut inisisimaannarnissaa pineqartariaqanngilaq. Taanna nassuaatini nalinginnaasuni allaaserineqarsinnaavoq, maannakkut suliassanik akisussaaffinnillu agguaassisimaneq aallaavigalugu, tassani aguataarisimanerup eqqarsaatigisassat pisariaqartitsinerit, suliassallu nutaat tunngavigalugit soorunalumi allanngortinneqarsinnaanera erseqqissarneqarluni, taakku ilinniartitaanikkut - suliffeqarnerlu pillugit</p>	<p>tunngavissiisimanngilaq.</p> <p>Nuna tamakkerlugu Ilitsersuisarfip Majorianut tunngatillugu suliassaanut tunngatillugu, siunnersuisarnermik inatsimmut atuuttoq § 8 innersuutigineqarpoq, tassani allaqqavoq, Naalakkersuisut suliassat arlallit suliarinissaannut ilitsersuiffiit atorsinnaagaat, inatsimmi §§ 3-5 aamma § 8 takuuk. Tassanilu assersuutigalugu Majorianut tunngatillugu imaarsaasarneq kiisalu suliassat allat Majoriat suliassaasa naammassineqarnissaanut tapertaasinnaasut.</p>
--	--	---	---

		pilersaarusiornermi ataatsimoortumut atatillugu periusissatigut pisariaqartitsinerit suliassallu takuneqarsinnaassapput. Taanna nalinginnaasumik nassuaatinut ilanngunneqarluarsinmaa- voq, takuuk siusinnerusukkut nassuaat.	
1.5	AN	<p>Nuna Tamakkerlugu Ilitsersuisarfíup inissisimanera</p> <p>”Nuna Tamakkerlugu Ilitsersuisarfík” immaqa ima taagorneqartariaqaraluarpoq</p> <p>”Nuna tamakkerlugu ilitsersuussisarfík.” –</p> <p>Tamanna aamma Siunnersuisarneq pillugu inatsit nr. 4 2013- imeersumi § 6-imut toqqaannartumik naapertuunnerussagaluar- poq, tassanimi eqqaaneqarpoq, "nuna tamakkerlugu ilitsersuisarfímmik" pilersitsisoqarsinnaasoq (aamma ingerlatsisoqarsinnaasoq). –</p> <p>Tamatuma saniatigut inatsit nr. 4 2013-imeersoq naapertorlugu kommunít ilinniarfiillu innuttaasunut ilinniarnissaq inuussutissarsiummillu ingerlataqalernissaq siunertaralugu ilitsersuinissaq suliassaraat.</p>	<p>Oqaaseqaat siunnersuummi nassuaatinik ilaqtumut allannguinissamut tunngavissiisimanngilaq.</p> <p>Siunnersuisarnermik inatsimmi § 6 siunnersuisarneq ataatsimut isigalugu suliffeqarfíup isumaginninnissaanut ataqatigiissaarinissaanullu inatsisitigut sinaakkusiinissamut tunngavissiinissap qulakkeernissaa kisimi siunertaavoq. Tamanna aalajangersakkamut oqaaseqaatini ersarilluinnartumik allassimavoq. Taamaammat aalajangersakkami suliffeqarfík aalajangersimasoq aalajangersimasumik atilik pineqanngilaq. Naalakkersuisulli aalajangersagaq atorlugu suliffik ”Nuna tamakkerlugu Ilitsersuisarfík”-mik atilik pilersissimavaat.</p>

2	Meeqqanut, Inuuusuttunut, Ilaqtariinnut Inatsisillu Aituutsinneqar- nerannut Naalakkersui- soqarfik	MIIIAN-iup isumaqatigaa, ilinniarfiit qanoq ilillutik ilinniartut ilinniakkaminnik naammassinninnissaat ikaarsaariarnissaallu pillugit ilitsersuisassanersut pillugit inatsisiliornermi aalajangersakkanik erseqqinnerusunik ikkussisoqassasoq, takuuk § 10-p inatsisip allanngortinneqarnera pillugu siunnersuut, matumani imm. 2-4-llu atuuttunngortitsineq.	Siunnersuummut allannguutissatut siunnersuuteqartoqanngilaq.
2.1	Meeqqanut, Inuuusuttunut, Ilaqtariinnut Inatsisillu Aituutsinneqar- nerannut Naalakkersui- soqarfik	Taamaattorli innuttaasunut inuuniarnikkut atugarliortnunut ilitsersuummut najoqquṭassanik ersarinnerusunik ilanngussisoqarnissaa innersuussutigineqarpoq. Nuna tamakkerlugu assersuutigalugu inuuusuttut sullinniakkat, tassa inuuusuttut 16-25 akornanni ukiullit suliffeqanngitsut suliaqanngitsulluunniit unammillernartoqarput. 2018-imi nuna tamakkerlugu inuuusuttut 32%-ii inuuusuttut sullinniakkant ilaapput. Inuuusuttut ilinniarnermik ingerlatsinerannik attasiinnarnissamut taamaaliornikkullu siunissami periarfissagissaartinnissaan- nut eqimattat taakku immikkut	Oqaaseqaat siunnersuummi nassuaatinik ilaqtartumut allannguinissamut tunngavissiisimanngilaq. Innersuussutip akuerineqarnissaanut Inatsisartut inatsisaanni § 18, imm. 2-mi tunngavissaqarpoq. Taamaattumik ornigulluni ilitsersuiartortarneq pillugu nalunaarummi malittarisassanik erseqqinnerusunik aalajangersaanissaq pilersaarutaavoq, taamatuttaaq nalinginnaasumik nassuaatinini immikkoortumi allassimasut naapertorlugit. 1.2.3.

		tapersorsorneqarnissamut ilitsorsorneqarnissamulluu- nniit pisariaqartitsisisinnaanerisa eqqumaffiginissaat pingaaruteqarpoq.	
3	Naalakkersui- sut Siulittaasuata Naalakkersui- soqarfia	Siullertut Naalakkersuisut Siulittaasuata Naalakkersuisoqarfia inatsimmut allannguutissatut siunnersuut aqqutigalugu Kalaallit Nunaanni ilinniartitaanermut ilitsersuisarnermullu suliniuteqarneq pillugu nalilersuinermik nalunaarutip, Naalakkersuisut Europa- Kommissioni peqatigalugu 2018-imi suliniutigilersimasaata 2019-imilu saqqummertup malitseqartinneqarnissaa nuannaarutigaa.	Siunnersuummut allannguutissatut siunnersuuteqartoqanngilaq.
3.1	Naalakkersui- sut Siulittaasuata Naalakkersui- soqarfia	Ikaarsaariarnissamut ilitsersuutip (naammassinninnissamut ilitsersuut ilanggullugu) ilinniarfeqarfinni piukkunnarsarneqaqqinniku unera oqaatigineqassaaq. Taamaakkaluartoq Naalakkersuisut Siulittaasuata Naalakkersuisoqarfia ilinniarfeqarfitt ikaarsaariarnissamut ilitsersuummi ilinniartut ilinniaqqinnissaannik sulilernissaannilluunniit kajumissaarinissamut	Oqaaseqaat siunnersuummi nassuaatinik ilaqtumut allannguinissamut tunngavissiisimanngilaq. Ikaarsaariarnissamut ilitsersuummi taaguummi kissaatigineqartut ilanngunneqareerput. Siunnersuisarnermik inatsimmi atuuttumi assersuutigalugu § 2, nr. 4-mi atuarneqarsinnaavoq Ingerlaqqeriarnissamut ilitsersuisarneq tassaavoq ilinnigaqarnermit ilinniagaqaqqinnissamut ikaarsaariarnermut atatillugu

		<p>annertunerusumik pisussaaffilerneqassasut kiisalu ingammik ilinniartunut ilinniarnermi sulinermiluunniit ingerlaqqinngitsoornissamut aarlerinartorsiortutut nalilerneqartunut orniguttarnissamut pisussaaffilerneqassasut kissaatigaa.</p>	<p>aamma ilinniaqarnermit suliffeqalernermut atatillugu ilitsersuisarneq. Tamatuma saniatigut pissutsit immikkut ittut atuussinnaapput, tassa imaappoq imaassinjaasoq ilinniartoq assersuutigalugu katsorsarnejarnissamik immaqa pisariaqartitsinera pissutigalugu ilinniakkamik nutaamik suliamilluunniit nutaamik aallartitsisinnaanngitsoq.</p>
3.2	<p>Naalakkersuisut Siulittaasuata Naalakkersui-soqarfia</p>	<p>Naalakkersuisut Siulittaasuata Naalakkersuisoqarfia nalunaarummi siuliani taaneqartumi innersuussutit qulit Kalaallit Nunaanni ilinniartitaanermut inuussutissarsiutinillu siunnersuisarneq pillugu Inatsisartut inatsisaata atuuttup allanngortinneqarneratigut naammassineqassasut aamma oqaatigaa. Taamaattumik Naalakkersuisut Siulittaasuata Naalakkersuisoqarfia innersuussutit ataasiakkaarlugit malitseqartinneqarnissaat siunnersuummullu nassuaatini allassimasutut iliortoqarnissaat kajumissaarutigaa.</p>	<p>Siunnersuummut allannguutissatut siunnersuuteqartoqanngilaq. Nassuaatinitaaq takuneqarsinnaavoq innersuussutit allat malitseqartinneqarnissaat iliuuseqarnissarlu naatsorsuutigineqartoq.</p>
4	Kommune Kujalleq	<p>Kommune Kujalliup "siunnersuisarnermik inatsisip" allanngortinnissaanut siunnersuut tigulluarpaa.</p>	<p>Siunnersuummut allannguutissatut siunnersuuteqartoqanngilaq.</p>

4.1	Kommune Kujalleq	Nassuaatinut annertoqisunut inatsisisatut siunnersuummut ilaasunut Kommune Kujalliuup oqaatigissavaa, atsiortoq nuna tamakkerlugu oqallifinni arlalinni ilaatigut ilitsersuisarneq pillugu isumasioqatigiinnerni aamma "naalakkersuinikkut ataqatigiissaarineq pillugu ataatsimiinnerni" oqallissaarummik, ilitsersuinermik maannakkut aaqqissuussami, inatsisitigut tunngavissani, maligassiani il.il. unammilligassanut pingaartumik ikaarsaariarnissamut ilitsersuutinut aammalu inuusuttunut tunngatillugu ilitsersuutinut tunngasut saqqummiunniukuai. Inatsisisatut siunnersuummi siunnersummullu nassuaatit pitsangorsaanissamut aqutissiuussinerat naammagisimaarneqarput.	Siunnersuummut allannguutissatut siunnersuuteqartoqanngilaq.
4.2	Kommune Kujalleq	Inatsisaasut saniatigut malittarisassanik erseqqinnerusunik soorlu nalunaarutiniik, maligassianik, ilitsersuutinik ilaatigut ornigulluni ilitsersuinermut tunngasunik assigisaannillu suliaqarnissamik sulissuteqarnissap inatsisisatut	Siunnersuummut allannguutissatut siunnersuuteqartoqanngilaq.

		<p>siunnersummut nassuaatini arlalinni eqqaaneqarnera Kommune Kujalliuup naammagisimaarlugu oqaatigaa, immikkoortoq 1.2.3. Ikaarsaariarnissamut ilitsersuut immikkoortoq 1.2.8. Kommune Kujalliuup malittarisassat, ilitsersuutit assigisaallu taamaattut qilanaarai.</p>	
4.3	Kommune Kujalleq	<p>Meeqqat atuarfianni ikaarsaariarnermut ilitsersuutit eqqarsaatigalugit malittarisassanik tamakkiisunik soorlu nalunaarutinik, maligassianik ilitsersuutinilluunniit pisariaqartitsinerup inatsisisstatut siunnersummut nassuaatini eqqartorneqarneranik ersittoqanngilaq. Suliassaqarfimmi tassani malittarisassanik tamakkiisunik aamma pisariaqartitsisoqarpooq, ilitsersuisarneq pillugu inatsimmi § 19, imm. 5 takuuk.</p>	<p>Siunnersummut allannguutissatut siunnersuuteqartoqanngilaq.</p> <p>Malittarisassat tamakkiisut nassuaatini taaneqartutut ilitsersuisarneq pillugu inatsimmi § 19, imm. 5 tunngavigalugu aalajangersarneqarsinnaapput.</p>
4.4	Kommune Kujalleq	<p>Naggasiutigalugu Kommune Kujalliuup malittarisassat, ilitsersuutit, ilinniartitsisunut pilersaarutit il.il., ikaarsaariarnermut ilitsersuutinut, inuussutissarsiutit</p>	<p>Siunnersummut allannguutissatut siunnersuuteqartoqanngilaq.</p> <p>Siunnersuut allaffissornermi aqutsinikkut akuerineqartussaq matumani pineqarpooq.</p>

		ilinniarfiillu ilisimatitsissutigineqartar- nerannut, meeqqat atuarfianni angajulliit klassiini pisussanut tunngasut nutarterneqarnissaasa pisariaqarnerat oqaatigissavaa.	
4.5	Kommune Kujalleq	Nassuaatini immikkoortoq 1.2.7-mi pissutsit ullumikkutut ittut, nalunannngilluinnartumik ilitsersuisarnerup pitsaassusaanik innuttaasullu suliffimmi qaffakkiartornissamut ilinniarnissamullu tunngatillugu toqqagaannut appariaataasut nassuiarneqarput: "Ilitsersuisartut aamma ilitsersuinermik atuisut taamaattumik paassisutissanik atortussanillu atorfissaqartitaminnik nassaarniarlutik assigiinngitsuni ujartuisarput, tamannalu paatsiveerunnermik pisariaqanngitsumillu piffissamik atuinermi pilersitsilluni". Tamatuma saniatigut atortussat pissarsiarineqarsinnaareertut pissarsiarineqarsinnaassusaa llu tamarmiunngitsut ilaannaali siunertamut, assersuutigalugu isumassarsiornermut, ilisimasqaqlernissamut,	Siunnersuummut allannguutissatut siunnersuuteqartoqanngilaq.

		<p>toqqaanermut toqqammaviliinissamut, assersuutigalugu ilinniagaq pillugu ilisimasaqarnerulernissamut naleqqupput. Pitsanngorsaanissamut erseqqissumik pisariaqartitsisoqarpoo!</p>	
4.6	Kommune Kujalleq	<p>Oqaaseqaatinut immikkoortoq 1.2.6: "Ilitsersuisartunut ataasiakkaanut allaffissornikkut sakkuunerup aamma sullisisuunerup aamma ilitsersuisarnermi sulinuitip ineriartortinneranut ataatsimut isigalugu paasissutissatut katersuinermi sakkuunerup akornanni eqqortumik oqimaaqatigiissitsinissaq pisariaqarmat". (nammineq erseqqissagaq). Kommune Kujalliup najukkami ilitsersuinerit ingerlanneqartarnerannut tunngatillugu allaffissornikkut sakkussat naleqquttuunissaasa pingaaruteqarnerat erseqqissarusuppa. Sakkut taamaattut atorlugit paasissutissat tigulaariffigineqartariaqar- put - aamma arlaleriaammik/marloria- ammik naqitsinernut tunngaveqassanngillat, assersuutigalugu nalunaarutiginninnerit</p>	<p>Siunnersuummut allannguutissatut siunnersuuteqartoqanngilaq.</p>

		<p>nalunaarutillu pioreersut naleqqutinngillat, taakkunani assigiinngitsumik, elektroniskiusumik namminerlu nalunaarsuinissaq kisitsinissarlu pisariaqartinneqarmat, tamannalu piffissartuutaasorujuusarluni .</p>	
4.7	Kommune Kujalleq	<p>Inuuusuttunut ornigulluni illitsersuisarneq, siunnersuineq pillugu inatsit maannakkut atuuttumi § 20: Majoriani tunngaviit taamannak inuuusuttunut 18- iliineqanngitsunut ornigulluni siunnersuisarnissaat naapertuutinngilaq. Sullinniakkat pillugit paassisutissanut tunngatillugu immikkut toqqammaveqarnissaq aqquṭissiuukkuminaappoq. Ornigulluni ilitsersuinissamut tassunga periutsinik suleriaatsinillu ineriartortitsinissaq/suliarini ssaat pisariaqartinneqarpoq. Kommune Kujalleq ilaatigut nalunaarutitigut, maligassatigut, ilitsersuutitigut il.il. ineriartortitsineq ornigulluni ilitsersuisarnermut tunngatillugu suliarineqassasoq isumaqarpoq.</p>	<p>Siunnersuummut allannguutissatut siunnersuuteqartoqanngilaq.</p> <p>Allaffisornermi najoqqutassat, soorlu nalunaarutit, ilitsersuutit maligassallu taaneqartut suliarineqarnissaannut siunnersuut akornusiinngilaq.</p>
4.8	Kommune	Aningaasaqarneq aamma	Siunnersuummut

	Kujalleq	<p>angusassat pillugit isumaqtigiissutit: Kommune Kujalliuup Majoriamut tunngatillugu angusassanut isumaqtigiissut suliffisanut, ilitsersuisarnernut pikkorissaqqinnernullu qitiusumik ingerlatsiviit pillugit inatsimmiinnera erseqqissassavaa (inatsit nr. 28, 09.12.2015-imeersoq). Ilitsersuisarnermik inatsimmi siunertarineqartutut "ilitsersuisarnermi suliassanut" tunngatillugu majoriami angusassat pillugit isumaqtigiissutini aninggaasaqarneq eqqarsaatigalugu nalinginnaasumik ilinniartunik siunnersuineq kommuninut ataatsimoortumik tapiissutinut atassuteqarmat killilerujussuarmik ilaatinneqarpoq. Kommune Kujalliuup angusassat pillugit isumaqtigiissutini siunertaq, suliassat aninggaasaqarnerlu, tassunga ilanngullugu ilitsersuinermut tunngatillugu suliassat erseqqissarneqarnissaannik pisariaqartitsineq ataatsimut isigalugu piviusumillu uparuarsimavaa. Avinneqarnerat maannakkut atuuttoq erseqqinngilaq.</p>	<p>allannguutissatut siunnersuuteqartoqanngilaq.</p> <p>Majoriamut tunngatillugu angusassat pillugit isumaqtigiissummut inatsisitigut tunngaviit nassuaatini Inatsisartut inatsisaannut, Isumaginninnermut Sulisoqarnermullu Naalakkersuisoqarfiup akisussaaffigisaanut attuumassuteqarnera eqqortuuvoq.</p>
--	----------	---	--

4.9	Kommune Kujalleq	Inatsisisatut siunnersuummi aalajangersakkanut ataasiakkaanut Kommune Kujalleq aalajangersimasunik oqaaseqaatissaqanngilaq, siunnersuutit anguniakkat angunissaannut naapertuuttutut nalilerneqarmata.	Siunnersuummut allannguutissatut siunnersuuteqartoqanngilaq.
4.10	Kommune Kujalleq	Naggasiutigalugu Kommune Kujalliuup malittarisassat, maligassat, ilitsersuutit il.il. ilitsersuinermut inatsimmut atatillugu erseqqissumik ineriartortinneqartut qilanaarai.	Siunnersuummut allannguutissatut siunnersuuteqartoqanngilaq.
5	Qitiusumik Ilinniarfíit Ataatsimut Siunnersuisoqa tigiiffiat aamma Sulisitsisut	Nr. 1-ip allanngortinneqarneranut tunngatillugu maanna nuna tamakkerlugu ilitsersuisarnermut periusissiorqarnissaata inatsisitigut piumasaqalernera pitsaasuuvoq. Periusissaq ingerlaavartumik aalajangersimasumilluunniit uteqqiattumik piffissani aalajangersimasuni nutarterneqartarnissaa pillugu aalajangersakkamik ilangussisoqarnissaa isumaliutigineqarsinnaavoq. Paragrafimi tassani nr. 2-mi suliniummik nalilersuisarnissamut piumasaqaat maanna aamma atuuppoq, tassungalu atatillugu iluatsillugu	Siunnersuummut nassuaatini takuneqarsinnaasutut periusissaq pisariaqartinneqartillugu ingerlaavartumik nutarterneqartassaaq. Nassuaatit tunuliaqutaralugit aalajangersakkamut ilangussisoqarsimavoq, tamatuma kingunerisaanik Naalakkersuisut ilitsersuisarnermik periusissap nutarternissaanut pisussaaffeqalerput.

		naliilersuineq taama ittoq qanoq akulikitsigisumik pisassanersoq pillugu nassuaammik ilanngussisoqarsinnaavoq.	
5.1	Qitiusumik Ilinniarfíit Ataatsimut Siunnersuiso- qatigiiffiat aamma Sulisitsisut	Allannguut nr. 2-mut naammassinninnissamut ikaarsaariarnissamullu ilitsersuineq pillugu itisilerlugu nassuaanerit tikilluaqquaangaarput, taamaattorli imm. 2 aamma 3 "Ilinniarfíeqarfínni ilitsersuisarneq"-mik immikkut quleqtalerneqarsinnaapput inatsimmilu kapitali 4-mut nuullugit, ilitsersuisarnermut suliassanut tunngasunut.	Oqaaseqaat siunnersuummi nassuaatinik ilaqaqtumut allannguinissamut tunngavissiisimanngilaq. Inatsisilerinermi teknikikkut oqaaseqaat ilanngunneqarsimangitsoq pineqarpoq. Inatsisartut inatsisaanni kapitali 4 ataatsimut isigalugu ilitsersuinermut suliassanut tunngavoq, taamaattorli imm. 2 aamma 3 ilitsersueriaatsinut taakkununnga marlunnut imm. 1-imi taaneqartunut erseqqissaataallutik. Taamaattumik imm. 2 aamma 3 imm. 1-imut ilassutaapput, taamaattumik imm. 2 aamma 3 paragrafimi tassani ilassutitut ilanngunneqarnikuupput.
5.2	Qitiusumik Ilinniarfíit Ataatsimut Siunnersuiso- qatigiiffiat aamma Sulisitsisut	ilitsersuisarnermik suliassap isumagineqarallartarnissa- annut tunngatillugu immikkut akuersisarneq eqqarsaatigalugu sulisoq ilitsersuisutut sulilernerminiiit ilitsersuisutut imaluunniit ilinniartunut ilitsersuisutut ilinniarnerup aallartissimanissaanut piffissaliussaq aalajangersarneqarneratigut, imm. 4-p allaffissornikkut	Oqaaseqaat siunnersuummi nassuaatinik ilaqaqtumut allannguinissamut tunngavissiisimanngilaq. Siunnersuutigineqartutuut piffissamik killiliinissaq Naalakkersuisut naapertuuttutut isiginngilaat. Pissutsit immikkuullarissut sulisup nammineq pisuussutiginngisai pissutigalugit pineqartoq assersuutigalugu ilinniakkamik ingerlaannartumik

		isumagineqarnera ajornannginnerulissaaq.	aallartitsisinnaaneq ajorpoq. Pisunilu taama ittuni pineqartoq atorfimmut piukkussaniit tunuartinneqassanersoq nalilersoqqissaarneqartariaqar- poq.
5.3	Qitiusumik Ilinniarfiit Ataatsimut Siunnersuiso- qatigiiffiat aamma Sulisitsisut	Allannguummut kingullermut tunngatillugu § 13, imm. 3-mi aalajangersakkami "malittarisassiorsinnaapput" "malittarisassiussapput"-mut allanngortinneqassasoq KNII-p siunnersuutigissavaa. Nalunaarsortarnissamut piumasqaammi, nuna tamakkerlugu paassisutissanik tunngavissanik, annertunerusumik naammassinnittoqarnissaan- nut periusessianik sulinuitissanillu suliaqarnermut atugassanik pilersitsinissaq siunertaappat, Naalakkersuisut najoqqutassanik erseqqissunik aalajangersaanissaat pingaaruteqarpoq, taamaalilluni nalunaarsuisarneq nalunaarutiginninnerillu assigiissumik pisassapput, atuarfimmiiit atuarfimmut illoqarfimmiiit illoqarfimmut assigiinngitsumik pinatik. Taamaattumik Naalakkersuisut tamanna qanoq pissanersoq pillugu	Oqaaseqaat siunnersuummi nassuaatinik ilaqaqtumut allannguinissamut tunngavissiisimanngilaq. Imm. 3 -sinnaapput-mik oqaaseq naanilerneqarsimavoq, pisariaqartutut nalilerneqarpat taamaallaat iluarsiisoqassamat. Taamaalillutik najoqqutassat kissaatigineqartut malittarisassanik aalajangersaanikkunngitsoq, assersuutigaluguli ilitsersuutikkut nalunaarutigineqarsinnaassap- put. Taamaalilluni ilitsersuutit malinneqanngippata malittarisassanik aalajangersaasoqassaaq.

		siusissukkut najoqquassiortariaqarput.	
5.4	Qitiusumik Ilinniarfitt Ataatsimut Siunnersuiso- qatigiiffiat aamma Sulisitsisut	Inatsisip allanngortinneqarnera atuarfinnut atingaasartuutinik nassataqannginnissaanik isumaqarneq isumaqataaffigineqanngilaq.	Oqaaseqaat siunnersuummi nassuaatinik ilaqtumut allanguinissamut tunngavissiisimanngilaq. Aallaqqasiutigalugu oqaatigineqassaaq, atuarfinnut atingaasartuutinik nassataqarnaviannginnera pillugu siunnersuummut nassuaatini allassimasoqanngilaq. Tamanna pillugu siunnersuummi pisortanut aningaasaqarnikkut allaffissornikkullu kingunerisassai pillugit nassuaatini nalinginnaasuni immikkoortoq 3-mi Namminersorlutik Oqartussat ilinniarfeqarfiinut atingaasaqarnikkut kingunissai pillugit allassimasut innersuussutigineqarput. Tassunga atatillugu oqaatigineqarpoq, siunnersuummi nr. 2-mi § 10, imm. 4 ilinniartitsinermik ilitsersuisunit pisinnaasatigut piumasqaatit pillugit ilinniarfinnut ataasiakkaanut ukiumut annerpaamik 14.980,52 kr.-nik atingaasartuuteqarnermik kinguneqassasoq. Immikkoortumi tassani Majoriatulli paassisutissanik nalunaaruteqarnissamut ilinniarfiit pisussaaffeqarnerat pillugu siunnersuummi nr. 3-mut

		<p>nassuiarneqarpooq, tak. Inatsisartut inatsisaanni § 13, imm. 1. Malugineqassaaq ilinniarfiup nalinginnaasumik ingerlatsineranut atatillugu suliat naammassineqartussat tunuliaqutaralugit paasissutissanik arlalinnik ilinniarfiit nassiussisareermata, tassunga ilanngullugit ingerlatat pillugit kisitsisini, ilinniartitaanerni ataasiakkaani ilinniagaqartut amerlassusii, ilinniagaqarnersiutinik aqtsineq il.il. tunngatillugu aningaasaliissutinut tunngaviusunut naleqqiullugu. Aammattaaq malittarisassani tunngaviit pigineqartut tunngavigalugit paasissutissanik attuumassuteqartunik Naalakkersuisut ilinniarfnnit piumasaqarsinnaareerlutik, tassunga ilanngullugu Naalakkersuisut nakkutilliinerannut atugassat. Tassunga aamma ilaasinnaapput suliassaqarfinni arlalinni pisariillisaanissaq aamma Naalakkersuisut siunnerfeqartumik suliniuteqarnerat siunertaralugu paasissutissatut tunngavittut atorneqarsinnaasut, tassunga ilanngullugit ilinniartitaanermut, ilitsersuussinermut suliffeqarnermullu attuumassuteqartunut suliniutinut naleqqiullugu. Siunnersummi nr. 3 taamaattumik najoqqtassanik sulinernillu atuuttunik</p>
--	--	--

			maleruagassanik allanneqarsimannngitsunik inatsisitigut allanneqalerneri, isumalluutitigut tunngaviit pioreersut aallaavigalugit aaqqissugaanikkut tulluarsaanermi qulakkeerneqarsinnaasutut nalilerneqartut.
5.5	Qitiusumik Ilinniarfiit Ataatsimut Siunnersuiso- qatigiiffiat amma Sulisitsisut	Ilitsersuinermik suliniutit ataasiakkaarlutik nalunaarsortarnerannik nalunaarutigisarnerannillu qitiusumik ilinniarfinni allaffissornikkut suliassaqarnerulissaq. Atuarfiit siusinnerusukkut allaffissornikkut suliassat tigusarnikuuaat, aninggaasaliissutsit qaffanneqarnerinik kinguneqanngitsunik, tamatumalu siunissaq ungasinnerusoq eqqarsaatigalugu atuarfiit aninggaasaqarnerannik mangiaalernera.	Oqaaseqaat siunnersuummi nassuaatinik ilaqtumut allanguinissamut tunngavissiisimanngilaq. Aammattaaq qulaani nr. 5.4-imi oqaaseqaatinut allanneqartunut innersuussisoqarpoq.
5.6	Qitiusumik Ilinniarfiit Ataatsimut Siunnersuiso- qatigiiffiat amma Sulisitsisut	Tamatuma saniatigut oqaatigineqassaaq, nassuaatini qupperneq 6- imi ilinniarfinnut akuersisaasarnermut tunngasup nalunaarut tunngavigalugu siunissami allanganngortinneqarnissaanut nassuiarneqartup atuutilersinneqarnerata kingunerisaanik aninggaasaliissutinik majoriamiit qitiusumik ilinniarfinnut nuussisoqarnissaa	Siunnersuummut allanguutissatut siunnersuuteqartoqanngilaq.

		pisariaqalissaq.	
5.7	Qitiusumik Ilinniarfiiit Ataatsimut Siunnersuiso- qatigiiffiat aamma Sulisitsisut	<p>Qitiusumik ilinniarfiiit 29. oktober 2018-imi allakkatigut nr. 2018-012-ikkut oqaatigisimavaat, atuarfiiit ilinniarneq tamaat naammassinninnissamut ilitsersuineq akisussaaffigerusullugu kissaaateqarsimapput, tamanna allannguutissatut siunnersummut ilanngunneqarsimannngitsoq takuneqarsinnaavoq.</p> <p>Tamanna suli kissaatigineqarpoq tamannalu ilanngunneqarpat aningaasanik majoriamuit qitiusumik ilinniarfinnut nuussisoqarnissaa pisariaqartinneqalissaq.</p>	<p>Oqaaseqaat siunnersummi nassuaatinik ilaqtartumut allannguinissamut tunngavissiisimanngilaq.</p> <p>Oqaatigineqartut "Kalaallit Nunaanni Ilinniartitaanermut ingerlataqarfik; Ilinniartitaanermut inuussutissarsiuvinillu siunnersuisarneq pillugu maannakkut suliniutinik nalilersuinermik misissuineq" (siunnersuisarnermik suliniutinik nalilersuineq pillugu nalunaarusiaq) august 2019-imeersumik nalilersuinermi immikkut innersuussinertut allassimanngillat.</p> <p>Taamaakkaluartoq ilitsersuisarnikkut suliassanik aaqqissuussinerup suliarinerata ingerlateqqinnerani apeqqutip ilanngunneqarnissaa naatsorsuutigineqarpoq.</p> <p>Inatsisartut inatsisaanni atuuttumi § 10 aamma siunnersummi § 10, imm. 1 naapertorlugit naammassinninnissamut ilitsersuineq ilinniarfeqarfinnit, tassunga ilanngullugit qitiusumik ilinniarfinnit isumagineqarnerat aamma oqaatigineqassaaq.</p>
5.8	Qitiusumik Ilinniarfiiit Ataatsimut Siunnersuiso-	KNII-p naggasiutigalugu qinnutigissavaa, Kalaallit Nunaanni Qitiusumik Ilinniarfiiit allattoqarfiat	Siunnersummut allannguutissatut siunnersuuteqartoqanngilaq.

	qatigiiffiat aamma Sulisitsisut	nassinneqartartut allattorsimaffiannut ilannguteqqinnejassasut e-mailikkut nassiussivissalimmik taamaalillutik siunissami knii.gbs@gmail.dk tusarniaassutit tassuunaatigut tiguneqartalissallutik.	Qinnutigineqartoq akuerineqarpoq.
6	Isumaginninnermut Sulisoqarner-mullu Naalakkersui-soqarfik	Inatsisisatut siunnersummut nalinginnaasumik nassuaatini nalilersuinermi "Kalaallit Nunaanni Ilinniartitaanermut ingerlataqarfik; Ilinniartitaanermut inuussutissarsiutinillu siunnersuisarneq pillugu maannakkut suliniutinik nalilersuinermik misissuineq" innersuussutit aallarniummiit aallartittumik eqqartorneqalerput. Tamanna siunnersuutip pingaarnertut imarisaanut tunngatillugu paatsoortitsisinnaavoq. Taamaattumik nalilersuinermi innersuussutit eqqartorneqarneri siullertut eqqartornagit tullinnguuttunut inissinneqarsinnaapput, taamaalillutik siunnersummi pingaarnertut imarisat siulliussallutik..	Oqaaseqaat siunnersummi nassuaatinik ilaqtumut allanguinissamut tunngavissiisimanngilaq. Innersuussutit taaneqartut nalinginnaasumik nassuaatini inatsimmik piareersaanermi pingaarnertut imarisat pillugit immikkoortumi allanneqarsimapput. Naleqqussaanissap pisariaqartitsineq pillugu immikkoortumik nalilersuinermi nalunaarusiami inerniliussanit innersuussutinillu maannakkut pingaartinneqartut naleqqussaasoqarnissaanik pisariaqartitsinermik tassunga ilaapput aamma naleqqussaanissamut pisariaqartitsinerit ataasiakkaat inatsisitigut, allaffissornikkut suliniuteqarnikkut akuerineqassanersut imaluunniit naleqqussaanissamut pisariaqartitsinerit upuarneqartut ilitsersuisarnermik ingerlatat tulluarnerusumik aaqqissuunnerisigut aaqqinnejassanersut

			<p>isummerfigineqarnissaat pillugit nassuaasoqarpoq.</p> <p>Tassunga oqaatigineqassaaq, immikkoortoq</p> <p>Namminersorlutik Oqartussat inatsisiliornermut</p> <p>najoqqutassiaat naapertorlugit suliarineqarnikuummat.</p>
6.1	Isumaginnin-nermut Sulisoqarner-mullu Naalakkersui-soqarfik	Tamatuma saniatigut ilitsersuisarnermut ataatsimut periutsimik, suliassaqarfiiit killiinik aammalu immikkut isagineqartariaqakkanik erseqqissaasinjaasumik suliaqartoqarnera ISN-ip pitsaasutut isigaa.	Siunnersuummut allannguutissatut siunnersuuteqartoqanngilaq.
7	Qeqqata Kommunia	Siullertut ilitsersuisarnermut suliniuteqarnermut inatsisissatut siunnersuut piginnaasanik kivitseqataanissaanut naatsorsuutigineqartumut Qeqqata Kommunia qujavoq. Taamatullu ilitsersuisarnermut suliniuteqarnermi akisussaaffiit agguataarneqarnerisa ersarissarneqarnerat kommunimit nuannaarutigineqarpoq.	Siunnersuummut allannguutissatut siunnersuuteqartoqanngilaq.
7.1	Qeqqata Kommunia	§ 10, imm. 2-mut tunngatillugu Qeqqata Kommuniata ilitsersuinermut ilinniarsimasut atorfinitssinneqareersut apeqquserpai, akissarsiaat tapeqartinneqassanersut imaluunniit akissarsiaat	Siunnersuummut allannguutissatut siunnersuuteqartoqanngilaq. § 10, imm. 2-mi ilitsersuisartut ilinniagaqarsimanissaanik piumasaqaat pineqanngilaq. § 10, imm. 2-mi taamaallaat pineqarpoq

		<p>qaffanneqassanersut, taamaaliortoqassappallu kommunimut aninkaasaqarnikkut annikitsumik kinguneqassaaq.</p> <p>Qeqqata Kommuniata uparuarusuppa, ilitsersuinermut ilinniartitsinermi, piffissami tamarmik paarlatsaqarnissamik pisariaqartitsisoqassasoq. Tassunga atatillugu kommunimit taakkartorneqarusuppoq, parlatsissanik sulisussarsiorneq aamma kommunimut aninkaasaqarnikkut kinguneqartussaammat.</p>	<p>naammassinninnissamut ilitsersuussineq aamma ilinniarfinni ilitsersuisunit alaatsinaanneqartussanut ilitsersuussinermut atortutigut piumasqaatinik aalajangersaalluni. Nassuaatini eqqaaneqartutut naammassinninnissamut ilitsersuinerup sunik imaqarneranik erseqqissaaneq tamatumani pineqarpoq taamaalillunilu suleriaatsimik iluarsaassineq pineqarluni. Taamaattumik ilitsersuisartut nutaanik suliakkerneqanngillat.</p> <p>Nassuaatit aamma immaqa § 10, imm. 4-mut tunngasinjaapput, tassani ilinniarfeqarfinni ilitsersuisartunut piginnaasassatut piumasqaatinut tunngagaluarput.</p> <p>Illuatungaanili Majoriani ilitsersuisussanut piginnaasassatut piumasqaatit Inatsisartut inatsisaanni § 12-mi, 1. januar 2014-imiilli atuuttumi allassimapput. Taamaattumik kommunini ilitsersuisut siunnersuummit kalluarneqanngillat.</p>
7.2	Qeqqata Kommunia	<p>§ 13, imm. 1-imut tunngatillugu ilitsersuisarnermut suliniut qanoq nalunaarutigineqartassaner- soq pillugu paasisutissanik Qeqqata Kommunia</p>	<p>Oqaaseqaat siunnersuummi nassuaatinik ilaqaqtumut allannguinissamut tunngavissiisimanngilaq.</p> <p>Kommunalbestyrelsip nalunaaruteqartussaatitaaneranut</p>

	<p>kissaateqarpoq. Paasissutissat kissaatigineqartut nalunaarsorneqarnissaat systemimik pilersitsisoqarnissaa kommunimit kissaatigineqarpoq, paasissutissallu ikaarsaarnermi ingerlateqqinnejarsinnaan- ngorlugit, Majoriap systemianut atassuserneqarsinnaanngor- lugu. Taamatuttaaq ilitsersuisarnermut paasissutissat pisariaqartinneqartut nalunaarutitigut erseqqissarnejarnissaat kissaatigineqarpoq.</p>	<p>tunngatillugu allanngutissanik siunnersuuteqartoqanngilaq. Kommunalbestyrelsit nalunaarnissamut pisussaaffii Inatsisartut inatsisaat ulloq 1. januar 2014-imi atuutilermalli atuussimavoq. Aalajangersakkami nutaamik pilersitsineq tassaavoq nalunaaruteqarnissamut pisussaaffik atuuttoq maannakkut Namminersorlutik Oqartussat ilinniarfeqarfiutaat ilaatilerlugin aamma erseqqissumik aalajangersaasoqarmat.</p> <p>Nassuaatini siunnersuutip aningaasaqarnermut allaffissornikkullu pisortanut kingunerisassai pillugit immikkoortumi 3-mi takuneqarsinnaasutut aamma inatsisit atuuttut pillugit nalinginnaasumik nassuaatini allassimasutut communalbestyrelsit nalunaaruteqartussaatitaaffeqa- reerput, Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliartortartunut tunngasunik communalbestyrelsit paasissutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq aamma Namminersornerullutik Oqartussat nalunaarutaat nr. 17</p>
--	---	---

			<p>ulloq 16. oktoberi 2007 Piareersarfinni qitiusumik ingerlatsiviit suliaminnik ingerlatsinerat il.il. naliliisarneq pillugu takukkit. Tamatuma saniatigut communalbestyrelsit paasissutissanik angusassat pillugit isumaqatigiissutit tunngavigalugit nalunaaruteqartarput.</p> <p>Nalunaarusiornermi malittarisassat allaffissornikkut ilaneqarnissaat pillugu apeqquut suliassaqarfimmik malittarisassiornermik suleriaqqinnermi ilaassaaq.</p>
8	Inuit Innarluutillit Illersuisuat	<p>Tilioq 'Kalaallit Nunaanni ilinniartitaanermut inuussutissarsiutinillu siunnersuisarneq pillugu Inatsisartut inatsisaata allanngortinnera pillugu Inatsisartut inatsisisaattut siunnersuut pillugu tusarniaanermut' toqqaannartumik oqaaseqaatissaqanngilaq.</p> <p>Taamaattorli "Kalaallit Nunaanni Ilinniartitaanermut ingerlataqarfik; Ilinniartitaanermut inuussutissarsiutinillu siunnersuisarneq pillugu maannakkut suliniutinik nalilersuinermik misissuineq" pillugu nalilersuineq tunuliaqtalaralugu suliniutinik allanik</p>	<p>Siunnersuummut allannguutissatut siunnersuuteqartoqanngilaq.</p>

		aallartitsinissamut akisussaasoq/akisussaasut attaveqarfigerusuppagut	
8.1.	Inuit Innarluutillit Illersuisuat	Tilioq isumaqarpoq inuuusuttu sullinniakkat angunissaannut innarluutillit isiginiarneqarnissaat pisariaqartoq aammalu suliniaqatigiffiup ilisimasaanik misilittagaanillu ikorfartuisinnaalluni. Tassami inuuusuttunut innarluutilinnut tunngatillugu suliamut tunngatillugu pitsasumik ilitsorsorneqarnissamik, ilinniakkamut kissaatnik innarluuteqarnermullu innimiginnittumik amigaatilinnik arlalinnik saaffiginnittoqartarpugut.	Siunnersummut allannguutissatut siunnersuuteqartoqanngilaq.
9	Inuit Pisinnaatitaaf- fii pillugit Siunnersuiso- qatigiit	Oqaaseqaateqartoqanngilaq.	Siunnersummut allannguutissatut siunnersuuteqartoqanngilaq.
10	Aalisarnermut Piniarnermullu Naalakkersui- soqarfik	Siunnersummut oqaaseqaateqanngilaq.	Siunnersummut allannguutissatut siunnersuuteqartoqanngilaq.
11	Ineqarnermut Attaveqaqati- giinnermullu Naalakkersui- soqarfik	Siunnersummut oqaaseqaateqanngilaq.	Siunnersummut allannguutissatut siunnersuuteqartoqanngilaq.